

UZE TWAMINA



Echa Mwata akukisule, Ndumbu walunga Neville.

Kuwahilila ha kukinduluka muliuka ufuku uno. Chipwe kujojoma chindende. Kupwa nge na Mujimbu wausuku chimene chino, kaha Nguli wakuwahilila vene mwomwo Wapwanga hano, chipwethuhu. Kaha Ngwasuwulukanga Nawo, kuuneha Vene, kaha Ngwatalilila nenu kuwahilila hakuwivwulila Ou. [Chikungulwilo ngwacho, “Amena.”—Muka.]

² Kanda kuvwulyama jino, lwola lwosena anukenu echi, nge evi vikiko vyuma vyatunga ngamba ya Kulishitu. Talenu, lufwelelo chatete, kahajino ngolo. Kaha jino anukenu, ou Shipilitu Wajila keshi kuhasa kuhaka musongwa ha kutunga kutunga cha Kalunga palanga vyuma kana vili nakuzata na Shipilitu. Numbathuhu chuma muka mulingi, talenu. Vize vikiko vyuma vili na kutunga Mujimba wa Kulishitu, talenu, vyuma kana. Jino, kanda kuvwulyama echiko, nge echi *hano* kupwa chuma chatete, kupwa lufwelelo. Ngolo, chinyingi, na vikwavo, vyatela kuvinunga kuli echi, palanga kukuma cha chivwuvu cha Kulishitu chinasoloka, kahajino Shipilitu Wajila himweza na kuhaka katachikijilo ha Mujimba umwe. Vyuma kana vyatela kupwa. Shikangaho, Yesu ngwenyi, “Ha mihako yavo hakiko navakavatachikijila.” Talenu, mihako! Enu kamweshi kuhasa kwima mihako chakuzeneka vyuma kana vya kwima mihako muli enu. Kaha jino omwo vyuma vyosena navisoloka mukaye kosena na—na kuzeneka kumukomoka kalunga, na vya ngocho, kahajino kuzeneka kufwelela vanachitapula, kahajino vyuma vyosena vya kaye vinahichi, kahajino kakweshi chuma nachimweko oloze tengeso yayihya muli Kulishitu. Kaha jino Efvesu 4:30 ngwayo, “Kanda kuyengetesa Shipilitu Wajila wa Kalunga, uze enu vanamijiki nenyi palanga na kulikumbi lya kusokoka.” Vakujikiwa mu Wangana wa Kalunga! Jino, kanda kuvvulyama echiko. Lamenu echi muvishinganyeka jino, kumbata *evi* chuma chatete. Kahajino kujika cha Shipilitu Wajila, Musongwa uze weji kujikanga mu Mujimba. Chosena chakwoloka.

³ Etu tukwechi na—na kutonda chimwe jino hali Ndumbu wapwevo Little, kufuma ku Chicago, lunga linyeni napunga muponde na minyawu kaha nasavala kaha nehete ha seteko ya kufwa, Ndumbu wapwevo Little. Kaha Edith Wright, ndumbwetu wa pwevo wamundende hano etu tunatachikiza chikuma, ikiye ali vene, wamupi vene, ku zuvo yenyi ufuku uno, kaha vakiko vatondanga kuvilika echi kuliuka shikaho etu twatela kulomba hamwe hali echi kutonda. Kaha jino echa etu tunongame mitwe yetu chindende.

⁴ Ove wamwaza, Tata wa Mwilu, etu tunakunguluka nakujinguluka (ha lufwelelo) kuli Tanda lya Kalunga, kaha etu tunalombo keke ya Ukalunga hali echi kutonda. Ndumbu walunga Little, mu ponde ya miyawu, hakamwihi na kufwa. Kalunga, amukafweko. Pamo Shipilitu Wajila apwenga kukahela kenya na kumukindulwisa kuli etu, Mwata. Kaha wamundende Edith Wright kuze, Ngwalombo, Kalunga, nge Shipilitu Wajila mwaya nakupwa kusali yenyi ufukuno na kukindulwisa kulikangula chenya cheka. Tuhanecho echi, Tata. Ove washikile vyuma kana, kaha twavifwelela. Kaha nge omu twapwanga nakushinganyeka chimene chino, tunda kayeshi chuma ko kuli Ove, Ove uli kaha chihanda chachinene cha kano kaye nge omu Uli kukwavo, mwomwo Ove wapwako lwola lwosena, ukwechi ngolo josena, kaha wakuzeneka maputukilo na makumishilo. Kaha etu twalombo, Tata, nge Ove muya nakuhana echi kutonda kuhichila mu Lijina lya Yesu Kulishitu. Amena.

⁵ Kuwahilila kupwa muno naufuku uno cheka, na... Kaha Ngunatachikiza kunazumu. Awa anapu kuliwana chahatomatoo, kaha echi chili... Ngunatachikiza enu vamwe muli chikuma na tunda ya kwendesa yakuheta ku faifi handulendi milosi mukachi ka lwola luno na chimene. Kaha kuputuka hanyima hamene, Ngukwechi tunda yakwendesa fwoteni handulendi hanyima ya echi. Shikaho, shikaho Nguna—Nguna fwelela elu nalupwa lwola lwalunene kuli enu vosena. Kaha lunapunga lwola lwalunene kuli yami kumitambukila enu. Kuli kaha chuma chimwe echi tulinacho tunatondo, shikaho vavavulu vatela kwalumuka nakufumako mwomwo kakweshi kapeteko, Etu katweshi kuhasa kutumbuka jila chikumako, chihanda chatala hakaya kaveshi kuhasa kwimanako palanga hali echi. Shikaho etu tuli nakweseka jino kuputuka naliuka laylinene, shikaho nge etu tulimo, kaha etu natukapwa kapete kakutwama kakutamo ka vathu.

⁶ Kaha jino, kalalwola, enu lwola lwosena muli vakwitavila hano ha mbalaka, kuze etu katweshi numba na lushimbi lwa uthu shina Kulishitu, lushimbi lwauchi china zangi, mukanda wauchi shina Mbimbiliya. Kaha shikaho... Kaha kafunga ketu hano apwa Ndumbu walunga Orman Neville. Kaha etu tuli nachikungulwilo hano cha—cha vathu vavavulu vaze veji kuliwananga mu mbalaka ya kuliwana cha vikungulwilo, kuze enu mweji kwizanga hano nakulifukula Kalunga kutesekesa na kutunda cha chivezu chenu. Etu lwola lwosena tunawahilila hakupwa nayenu. Kaha shikaho twayenu nge munahase, etu twapwa lwola lwosena vakuwahilila kumitambula enu.

⁷ Kaha jino lwola nalushisaho, nge omu Ngunatachikiza, kupwa hamwe nayenu, nachikapwa hanyima ya kukuma cha liuka. Kaha Ngwatondo jino, hanyima ya *Visemunuino vya Liuka*, kuze etu tunatondo kuya jino ku

Tutachikijilo twamakumishilo twa seveni, kaha *Tutachikijilo* twamakumishilo twa seveni mu Mukanda wa Kusoloka, kunangula Echi.

⁸ Kaha jino kuli jiola jajivulu vakakuviza na kuyanda veji kwizanga, kaha mulwola kana, kuze kwatondeka vimweno, kaha twaya ku kukusetuluka chakulimanyina. Kachi Nangwingila muli echi, kahajino Kangwe—Kangweshi kuhasa kupwa na chihandwa mukachi kavo, kaha, nduma, echi chinapu chachikalu kuli yami kuhanjika hanyima ya chize. Kaha kalamuthu wosena natachikiza mukuhitangana cha kuka, nge Mukulwane Baxter mokomoko muthu umwe kakavulu eji kuzatanga muli wa kunangula, kaha Nangwiza na kulombela vakakuviza, mwomwo cheji kuzezesanga chindende. Kaha Ngwapwilenga nakulombelela vathu vamwe hanyima chindende, kaha jino Ngwaliwanyine na mwana wamundende hano uze mandotolo...chumachimwe munyima yenyi, ali wakusemuka kumwe. Kulovoka, Ngwachimwene chinatwame mumilima. Uze mwana keshi kapwa cheka chitoji wakukalava nge ngachizeko, mwaya nakupwa kanawa. Punduvene, mukiko vene, talenu. Mukiko, Ngunatachikiza chize. Talenu, Nguli wakukunyuka hali echi. Shikaho etu twatondo kupwa nalufwelelo na kufwelela muli Kalunga.

⁹ Wosena muli enu, kaha enu vavavulu muli vangeji kuli yami, vakakuzata vosena na vyangocho. Kachi Nguna luwisa, echi chili Ndumbu walunga Crase. Echi chakwoloka? Ndumbu walunga Crase, Nguli—Nguli na mulonga wakulikonekela, hakuhaona kupwa kuze ha kukujika. Pamo Nangukayako kusongo ya kuliwana cha mulungu, pwako kaha wamwaza. Echi chakwoloka? Kuze ku Bloomington. Ove uli nakulinga kanawa? Chamwaza. Vamwe ava vandumbwami hano vapwa vakakuzata, Ngunashingayeka. Ove uli mukakuzata? Eyo, mwane. Mwata akukisule. Kaha vangahi vakakuzata vali muno muzu, echa tutalenu mavoko enu. Chamwaza, echi chinapu chamwaza. Etu tanawahilila kupwa nenu kuno, vakuwahilila kaha. Kalunga amikisulenga!

¹⁰ Jino, shikaho etu twatela kulivanga vene, vamwe vali nakuya ku Georgia, Tennessee, New York, kwosena, kufuma ufuku uno, kuputuka ufuku uno. Jino, endesenu kanawa mujijila. Kachi namunongoka, enu kamwazangile kuya ku zuvo yavangejiko, kaha kunjika miyawu yove kusali ya jila kaha savala palanga nomu ove...Omu mukiko mujila Ngweji kulinganga. Kunjika kusali na kusavala. Kanda, kanda kwendesha shimbu ove uli nakunongoka. Echi chinapu chuma chachipi. Kaha, anukenu, echi chianpu enu, ou napu mukwavo watela kutala. Talenu? Munatachikiza okwo muli nakuya, enu munahono kutachikiza okwo ali nakuya, shikaho—shiakaho enu mwatela kumutala uze mukweze. Shikaho, pwenu vakukunyuka nakupwa vakuvanguluka lwola lwosena, nakutala hali chize.

¹¹ Jino, Ngwafwila kutanga ufuku uno chihanda cha Chisoneka chili mu Mukanda wa Mukakjila Yowano. Jino, evi Visoneka evi tunatange na kukundaminako, atuhaneko chikuku cha evi tuli nakweseka kuhanjika. Kaha lwola lwosena, kanda lyehi numba lwola lumwe, nge omu Ngunahase kwanuka, kwiza kuno kukamenga, na kweseka kaha kuhanjika chumachimwe nge kuhanjika kaha. Ngweji kwesekanga lwola lwosena kuvandamina, kutala, kutanga, kulomba, palanga nomu Nangwivwa nge Nguli na chuma chimwe nachihasa kukafwa vathu. Kachi Nanguhona kupwa kukafwa, kahajino kakweshi nachuma chimwe yami nagwimanyina kunoko, talenu. Echi, kweseka kukafwa! Kaha jino ufuku uno, kulingisa, chihanda chachinene chetu chachinene chinafumu na chimene chino, kaha vakiko vanayi kwimbo, vavavulu. Oloze, ufuku uno, Ngwamilwekanga kachi namutwama kuno etu natweseka kupwa na pamo na minyutu fwote faifi ya kuhanjika ha chuma chimwe chize Ngunafwelela nachiya nakutukafwa. Kaha etu natuya nakukundamina echi jino hali Mukakujila Yowano, kapetulu 16, kaha echa tuputukilenu ha—ha vasi 7 ya kapetulu 16, kaha kutanga swi na—na vasi 15.

Chipwe ngocho Ami nangumilweka mwamuchano ngwami; Chinawahe kuli enu Ami ngufumeho: kaha Mukakufwako keshi kwiza kuli enuko; oloze kachi nge nanguya, kaha nangukamatuma kuli enu.

Kaha ikiye hakwiza, mwakavakunyula vaka mavu hashili, nahakwoloka, na hakupaya:

Mwakavakuyula ha shili, mwomwo kavangwitavilileko;

Mwakavakunyula ha kwoloka, mwomwo Hinanguya kuli Tata, kaha enu kamweshi kungumona chekako;

Mwakavakunyula hakupaya, mwomwo mwangana wahano hamavu vanamupayisa lyehi.

Nguchili navyuma vyavivulu vya kuhanjika kuli enu, oloze oholili kamwavihashileko.

Oloze ikiye hakwiza, ivene Shipilitu wa muchano, nge neza, mwakamitwaminyina na mumuchano wosena: mwomwo ikiye keshi kalihanjikila thuhuko; oloze vyexovy mwakevwa, vyavize vene mwakahanjika: kaha navyuma vize navikasoloka kulutwe nawa mwakamilwezavyo.

Mwomwo, ikiye mwakangutohwesa ami: mwomwo mwakatambula kuvyuma vyami, kaha mwakaya na kumilwezavyo.

Vyuma vyosena vyeshovy ahetu Tata—vyapwa vyayami: shikaho Nguna myambe ngwami, eji

kutambulanga kuvyuma vyami, kaha mwakaya nakumilwezavyo.

¹² Jino mu vasi 13. “Oloze omwo Shipilitu wa Muchano mwakeza, Ikiye mwakamitwaminyina enu Mumuchano wosena. Omwo uze Shipilitu wa Muchano mwakeza, Ikiye mwakamitwaminyina mu Muchano wosena.” Muchano Chumamuka? Eli Lizu. “Mwomwo Ikiye mwakaya nakuhanjika, Ikiye mwakaya keshi nakulihanjikila Lyaveneko; oloze ovyo Ikiye mwakevwa, Ikiye vikiko mwakaya nakuhanjika. Ovyo Ikiye mwakevwa, Ikiye mwakaya nakuvihanjika.” Mumazu Akwavo, Ikiye mwaya nakupwa Umwe uze mwakaya na kusolola vyuma kana, enu mwamono. Kaha kapetulu 4 wa Hepelewu, eyi Mbimbiliya ngwayo “Eli Lizu lya Kalunga lyavambuka, kuhambakna poku yauvela kuvali, lyeji—lyeji Kutumbununa vishinganyeka vya muwongo, na muchima.” Talenu, “Chuma Ikiye mwewwa, Ikiye mwakaya nakuchihanjika, kaha Ikiye mwakasolola vyuma navikazangaho.” Talenu? Chuma muka nachikaya nakulinga ngocho? Ou Shipilitu Wajila Uze mwakeza mu Lijina lya Mwata Yesu.

¹³ Kaha Nguli nakusaka kumbata echi mumiyyutu yayindende kumilingisa enu kulihulika hali eli lizu lya “twamina,” *Uze Twamina*. Munatachikiza, Ngunahichi mukulinangula chimwe muchipapa. Uze twamina, apwa umwe nahasa kukuhichisamo. Enu mwatela kupwa na twamina omwo enu kamwatachikiza okwo enu muli nakuyako. Kaha kupwa mwenyembo muunyanga, kaha nakujinguluka kaye, Ngunapunga na—na lisesa lya kuliwana na vatwamina. Kaha Ngwapwa ngutwamina, yamivene, mu Colorado, mwomwo ha kutachikiza lifuchi, kutanganamo, navyangocho, Ngunahase kutwaminyina mu Colorado.

¹⁴ Jino, twamina atela kupwa kutachikijiza jila. Ikiye atela kutachikiza okwo ikiye ali nakuya na ika ali nakulinga, kaha nomu mwakukulamina mujila. Talenu? Ikiye atela kumona kanawa nge kawatela kujimbalako. Twamina apwa muthu wakusakula. Lifuchi kumusakula ikiye kupwa twamina. Kaha, jino, hakuya mushipili muchipapa, pamo kuze ove kawatachikiza kanawako, kacheshi chuma chimwe chamwazako ove kuya chakuzeneka kupwa naumwe. Hatoma, vihela vimwe kawatela numba kuyako chakuzeneka twamina, chakutalilaho, mu Canada. Uze—uze twamina atela kufwachika ha lipapilo lyove lya kutala mumusenge watunyama. Ikiye atela kufwachika lyavene, kaha ikiye ali wakatela kukulama ove. Kachi kala chuma nachisoloka na ove, unapu mulimo wenyi. Ikiye atela kukulama ove. Ikiye atela kumona nge ove kawajimbalileko. Ikiye atela kupwa wakukunyuka nge ikiye kakutumine ove kumwe kuze ove nauhona kutachikiza jila yakukinduluka. Kaha kachi nge ove mujimbala, ikiye atela kutachikiza lize lifuchi kanawa mangana ahase kukwanda kala lwola lwosena. Ikiye

atela kutachikiza vyuma vyosena mokomoko ikiye keshi kuhasa kupwa twamina, ikiye kaveshi kuhasa kumuhana lipapilo lya kupwa twamina ko.

¹⁵ Hali evi vyuma kanawa, lwola lumwe ove watela chatete kupwa na kutongola lyehi, kusanyika lyehi nakupwa na kulongesa chakulivanga, kuwahisa kukumbata. Kaha kachi vyove. . . Lwolumwe ikiye nahase kupwa wakuzala kaha ikiye keshi kuhasa kukumbata ove ko, ove watela kutumbika chize chindende, cha—cha twamina wahano hamavu. Ove kawatela kulinga ngachize na Twamina ya Kalunga ko, Ikiye lwola lwosena wakulizanga lyehi, lwola lwosena wakulizanga lyehi.

¹⁶ Jino, kachi ove muhona kupwa wakulizanga, kaha ove kupezalisa uze mushipili wakuya mupambo muze ove kanda uyengamo lyehi, ove muya nakujimbala, na kanongo. Enu mukwechi na pesenti yimwe ya kuhasa kulovoka muze mupambo, mukiko kaha, kachi chileme chikuma, enu mwatela kupwa na pesenti yakuhasa kulovokamo ove lyavene. Oloze kachi echi chapwile chachipi muze mupambo, kunyima okwo, ove kaweshi kuhasa kupwa na lihanyako. Kakweshi jila yekako mwakulingila, mwomwo ove muliwana ove lyavene uli nakutambuka mujila ya kufwa, kaha jino ove—ove unachilingi, kahajino ove unakumu lyehi. Jino, kaha ove nge kaweshi na twaminako uze natachikiza kanawa lize lifuchi nakutachikiza mwakukindulukila.

¹⁷ Enu vavavulu muli vakutachikiza kanawa ou mukanda enu mwatangile mwakawali ku Tucson, Arizona, vase vakweze Vamalunga vavuluka ngwavo Mascout. Ohonyi, vakiko vapwile vakulongesa kutachikiza omwo mwakulilamina vaveneko, vakiko vapwile mascout. Kaha vakiko vapwile kaha na Lizavu lya Mascout, vakiko vapwile vene mascout. Kaha vakiko vatambukile mushipili nakuya mujipili, kaha vula ya mbundu jejile, tengeso yalumwine chihela chacho. Kaha omwo vakiko vali wanyine nge vanajimbala kaha vosena vanongele, chili mwomwo vakiko. . . chumachimwe, kwalumuka cheji kwizanga kufuma muvyuma vyapwako lyehi, vakiko vahonene kutachikiza mwakulovokela. Talenu? Kaha Ngwavulyama vakweze vamaunga vangani vase vanongele muze mupili, chipwethuhu vapwile na kapokopoko, na Militia, na Vakulama va Lifuchi, kaha vakakukafwa, na vyuma vyosena. Oloze vakiko vapwile vakujimbala, naumwe pimbi atachikijile okwo vapwile. Kaha vakiko kavahashile kuli lamina vaveneko. Vakiko vanongele muze mumbundu mwomwo vakiko kavatachikijileko nge vakiko vali nakuya kumututuko, mukuto, kumulauka mokomoko kusango, helu mokomoko hamavu, mokomoko mwosena omwo chapwile, vyuma vyosena vyasolokele mwomumwe.

¹⁸ Jino, uze twamina atela kutachikiza oho ali, chipwethuhu kupwenga kala konde. Ikiye ali—ikiye ali wakulizanga kulinga chize. Ikiye atachikiza chuma muka ali nakulinga. Ikiye apwa

mwenyembo na kala chuma. Ikiye atachikiza kusoloka cha vyuma vyosena, shikaho ikiye nahase kupwa mumilima oloze nahase kwivwa chuma chimwe.

¹⁹ Chakutalilaho, hano hakiko hali mungalato wa uze twamina. Munatachikiza, kachi enu munahase kumona ava vatanganyika, kala umwe wosena nahase kukulweke jila muka ove uli nakuya kachi nauya nakutala hali vatanganyika. Kaha ove lwola lwosena weji kuzanganga kutala hali uze tanganyika wamuchano. Kuli kaha tanganyika umwe wamuchano, kaha ikiye Litota. Talenu, umwe kaha, ikiye eji kwimananga ha chihela chimwe. Chize chemanyinako Kulishitu, uze youmwe zau, lelo, na haya myaka. Vakwavo vanahase kukimbojoka, oloze Ikiye hanga asala hamwe. Mauka anahase kukukoka nakukufumisa muli *eyi* jila, mokomoko amwe kukukoka muli *eyi* jila; oloze keshi Ikiye, Ikiye hanga apwa mwomumwe.

²⁰ Chamwaza, jino, kachi enu namuhasa kumona ou Litota, kaha echi chinapu mavwe, kahajino kachi enu namutala kanawa, kachi lili musanawawe kaha ove muya na kujimbala, kachi enu namuya nakutala mitondo. Uze mutondo lwola lwosena, ulundu wapwa kusali ya khuto ya mutondo, mwomwo kusali ya sango ya mutondo yeji kutambula musana chikuma kuhambakana kusali kusali ya khuto. Oloze nachipwa ngachilihi nge kuli milima kaha nauhona kumona ulundu? Kachi ove muya nakufwika meso ove kaha kanda weseka kushinganyekako, fwika meso ove kaha kwata muze musenena mwamutondo, haka mavoko ove nakujingulwisa mavoko ove uze mutondo nge ngana palanga minwe yove iliwane, kaha jino putuka kutambukisa uze mutondo chindechinde. Kaha omwo muliveta hachihela chimwe haze chiyawu chakuhima, chakuhokoka, muze mukiko musali ya khuto (jize jipeho), kaha ove muhasa kutachikiza kumwe kuli ove uli nakuya, ku khuto yi ku sango. Kaha mujila kana, mamalelo, kuli vyuma vyavivulu, oloze echi chinatondeka twamina kutachikiza mwakulingila vyuma kana. Muthu kala kulinga muze kaha mwahanjika ngwenyi, “Kangweshi nakwivwa chihandwako.” Talenu? Talenu, ove watela kupwa wakulongesa kupwa mukakutwaminyina.

²¹ Kaha ava vanyike vamaunga, chakuzeneka kujinwoka vakiko vapwile mascot, vakiko pamo vatachikijile mwakukashila mahunda, vakiko pamo vatachikijile mwakuwikila kakahya na malolwa, kaha na vya ngachize. Oloze kutachikijila mwakulovokela, echi chikiko chinyingi! Vakiko, vakiko kavatachikijilengako mwakulovokela, shikaho vakiko vosena vanongele mwomwo vakiko kavambachile twamina nakuya navoko.

²² Kwapwile chisemi wakuzeneka kushinganyeka, myaka ivali yihahichimo, mu Colorado, mamalelo, ikiye apwile nakuya mujipili, ikiye apwile kanyike walunga wamundende pamo wa myaka yakusemuka sikisi, seveni. Ikiye amumbachile nakuya

nenyi muunyanga wenyi watete wa vavuli. Shikaho vakiko vayile helu lya pili, kaha uze kanyike wamundende ahanjikile kuli ise, “Nguli nakuzeya.”

²³ “Nyina kunyima yami. Etu katweshi helu chikumako, va vuli vatwama helu.” Ayile na kuya na kuya palanga uze lunga palanga ikiye ahetele. . . Ikiye katachikijileko, ikiye apwile lunga wa mumbongi. Ikiye katachikijileko nachuma chimweko mwakuhangila mokomoko noku kwakuya. Kala muthu atachikijiza vyuma vya muchipapa atachikiza nge vuli katwama heluko. Vakiko kavaya helu hazeko. Vapembe vatwama haze helu, keshi va vuliko. Vakiko vatwama mwishi muze vanahase kulya, vakiko vatela kuya kuze kuli chuma chimwe cha kulya. Kaha, shikaho, oloze ou lunga ashinganyekele, “Kachi Nanguya muze mumalolwa kuze kwilu, Nanguya nakuwana likuma wamunene.” Ikiye amwene chifwanyisa cha vamwe vanemana ha—vanemana ha lilolwa, kaha ikiye ashinganyekele nge kuze kukiko nahase kumuwana. Kanda kuhaka mangana kuli vyuma unatange ha mangajinyi, yami, mamalelo, mama, ove nauya nakupwa nakulota! Mukiko, kuli kaha chuma chimwe chakulinga, chili kumbata twamina uze ove unatachikiza okwo uli.

²⁴ Kaha uze chisemi, kaha kwejile vula kuvalundumukila, jize jivula jeji kulivanganga. Kaha uze ahangasanyinenga palanga nauufuku, palanga nomu kwalavile pwi kaha ikiye kawanyine jila yakukindulukilako. Kaha uze. . . kahajino jipeho jejile haze helu ya jipili, kaha ikiye akutambuka washiwashi, kaha chize. . .

²⁵ Ove watela kutachikijiza omwo wakuyoyela, kachi ove unajimbala. Kuli chuma chikwavo, watela kutachikiza mangana uyoye! Nguna kandunduka helu lya mitondo na kuyisulumuka hamavu, kaha kukanduka mitondo na kuyisulumuka hamavu, helu na hamavu nge ngana, numba uyoye. Ngunapunga mu meya amakaza anahase kupwa kuhima pamo chimbwa cha munwe sali na sali, kutuva chimbunji na kusavala haze hamavu. Kaha na kupwa nazala chikuma ize Ngwahonenenga numba kulyungumika! Kaha na kutuva vize vimbunji vya myaka, na kuviwika kakahya na kwecha kupwenga kuzuma na kuyengununa aze meya amakaza. Kaha jino pamo wani koloko ya chimene, tu koloko, kukoka nakuhilwisamo chize chimbuji cheka, kaha nakusavala haze hamavu hazuma, mangana uyoye. Kaha ove watela kutachikiza mwakulingila vyuma kana.

²⁶ Kaha ou lunga kana katachikijile novyo apwilenga nakulingako, ikiye kapwile naumwe atetele kumutetekela. Kaha ikiye akwachile mwananeyi walunga nakumuhaka muthulo yenyi palanga nomu atuchile na kufwa. Wakuzeneka kushinganyeka! Kachi ikiye ambachile twamina nakuya nenyi, ikiye kachi amukindulwishile kuze vene kwishi ya pili chipwe lwola lwakaluhwile ngachilihi nge omu chapwile, talenu. Oloze

ikiye avandaminyine palanga nomu nakulava, kahajino ikiye kamweneko namujilako.

²⁷ Ou ukiko ukalu na Vakakulishitu lelo. Vakiko veji kuvandamina palanga milima yinahete, kahajino enu namuwana nge unasale chakuzeneka Twamina. Uze Twamina!

²⁸ Mwomwoika, mwamona lyehi muthu wakujimbala? Kuliko muthu umwe ahita lyehi mukuneha muthu wakujimbala? Chili chuma chakeke chikuma. Nge muthu na jimbala, eji kupwang nge wakuzaluka. Ikiye keshi kutachikiza na vyuma ali nakulinga. Twakwachile muthu kuze, kanyike walunga, napunga wakujimbala mumuzenge, kaha ikiye ashinganyekele. . . Ikiye apwile mukakulama tunyama, oloze apwile mungalila yakuhenga kaha ajimbalile, alumukile. Kaha omwo vakikovamuwanyine hanyima ya makumbi atatu, ikiye apwile nakulaha muthu wamuchipapa, kutambakana helu lya lizu lyenyi. Mivumbo yenyi yakujakuta jakuta, kaha ikiye ambile nauta wenyi kaha ikiye katachikijile nomu mwakulingako. Kaha omwo vandumbwenyi vamaunga, omwo. . . Vakiko vamukwachile nakumukasa. Omwo ndumbwenyi walunga ejile kuli ikiye, ikiye amuzungishile nge kanyama, kweseka kumusuma, ikiye katachikijile noku apwileko. Mwomwoika? Ikiye apwile wakujimbala. Kaha nge muthu najimbala, ikiye mwapwa museteko yakupwa nge kanyama. Kaha ikiye keshi kutachikiza nge ikiye ali muliize setekoko, mwomwo chize kujimbala nachineha mashika hali ikiye, kaha ikiye keshi kuhasa numba kutachikiza oku ali na ovyo ali nakulinga.

²⁹ Shikaho echi chili chochimwe nawa na muthu najimbala kufuma kuli Kalunga! Ikiye mwaya nakulinga vyuma vize hautonyi keshi kuhasa kuvilingako. Ikiye mwaya mwaya nakulinga vyuma—vyuma vinahambakana vishinganyeka vyamuthu kulingako. Muthu wakujimbala kufuma kuli Kalunga, liuka lya kujimbala kufuma kuli Kalunga, liuka linayi nakufuma kuli Kalunga, kufuma mujishimbi ja Mbimbiliya ya Kalunga, navaya nakulinga lwola lumwe vyuma enu kamweshi kushinganyeka kuviwana muliuka lya Kalunga wakuyoya. Vakiko navaya naakumbata mali kuhichila mu kuhema cha bunco, kuhema cha lottery, muungwangule, kalachuma chize vakiko vahashile kulinga. Vakiko navaya nakunanangula kalachuma chosena, kwecha na kulinga kalachuma, kuveta kambanda hanyima muthu umwe uze mukakufweta chikuma muliuka, kaha na vyangachize, mangana vatwalilengaho. Echi chakwoloka. Kuhaka vakakuzata muliuka mulizavu navaze vanambate kawana mokomoko kapapa katanu, mangana vatwalileho ngachize, mangana vyuma viliwane. Kuli kaha makumishilo amwe enu mwatela kuwana, shina, kushishika chove kuli Kalunga. Imana na kwambulula Muchano! Kujimbala, muthu wakujimbala ali museteko yaunyama, ikiye napu lunga wakuzaluka.

³⁰ Uze twamina akwechi kwivwushisa, mwakuyila na mwakulingila. Kalunga mu... Kalunga atwama lwola lwosena eji kutumanga twamina kuli vathu Jenyi. Kalunga kanda lyehi ahone. Ikiye eji kutumanga twamina, oloze ove watela kumutambula uze twamina. Talenu? Enu mwatela kumufwelela. Enu mwatela kuya mujila ikiye nahanjika. Kachi nauya muchipapa, kaha twamina yove ngwenyi “etu tuyenga *eyi jila*,” kaha ove mushinganyeka nge unyenga *ize* ikwavo, ove muya nakupwa wakujimbala. Kahajino nge ove... Kalunga natutumina twamina kututwaminyina, etu twatela kukavangiza uze twamina. Numbathuhu kala vyosena ovyo etu natushinganyeka, nachisoloka tuhu kupwa nge chamangana kaha nachize nachisoloka kupwa chauleya, etu katweshi vakutela kuhandununa chizeko, uze twamina ikiye kaha ukawenyi.

³¹ Kalunga, mu Tesitamende ya Mwaka, atumine tupolofweto. Vakiko vapwilenga vatwamina, mwomwo Lizu lya Mwata lyejilenga kuli kapolofweto. Vakiko vapwilenga vatwamina. Vakiko venyikililenga vathu nge omu twawananga ufuku unahichi, va Isaya na Ujiya. Vakiko vaveyikililenga, kaha vakiko vavenyikilile vathu na kuvatwaminyina vakiko. Kaha jino Kalunga apwa lwola lwosena kutuma vatwamina Jenyi, Ikiye kanda lyehi apwenga chakuzeneka twamina, muvisemunuino vyosena. Kalunga lwola lwosena atwama na muthuumwe uze eji kumwimanyinangako Ikiye hano ha mavu, muvisemunuino vyosena.

³² Jino, lwolalumwe vakiko veji kufumanga muli twamina, “kufuma mukumwinyika,” nge omu nge etu tweji kuchisanyikanga. Omwo Yesu apwile hano hamavu, kamwanukako omwo Yesu ahanjikile kuli uze kafwaliseu, “Enu vatwamina vaupuputa?” Vatwamina vaupuputa, upuputa wa vyuma vya mushipilitu. Talenu? Jino, vakiko vatelele kupwa vatwamina, vatwamina ja vathu, kutwaminyina vathu ku ulwilo. Oloze Yesu ngwenyi, “Enu mutupuputa!” Kaha Ikiye ngwenyi, “Vechenu ukawavo, mwomwo kachi kapuputa mwatwaminyina kapuputa, kaveshi voseni kuholokela muwinako?” Vatwamina vatupuputa! Mamalelo, omwo kaye vanakenyeka na echi, kutwaminyina cha upuputa. Ikiye katonda enu kukundamina ha kunangakana choveko. Kalunga katonda enu kukundamina ha kunangakana mokomoko ha vishinganyeka vyenu, mokomoko ha kala vishinganyeka vya kutunga kuvathu.

³³ Kalunga eji kutuma Twamina, kaha Kalunga atonda enu kwanuka nge nge Ikiye eyika Twamina. Kaha etu twatela kwanuka Ikiye. Hano Chahanjika, Yesu ngwenyi, “Kangweshi kumisezako, oloze Nanguya na kulomba Tata kaha Ikiye mwaya nakumitumina Mukakumikafwako mukwavo.” Kaha ou Mukakumikafwako, omwo Ikiye apwile nakwiza, mangana

atutwaminyine mu Muchano wosena. Kaha eli Lizu lya Kalunga lya Muchano, kaha eli Lizu lyapwa Kulishitu, “Yami Jila, Muchano, kaha Kuyoya.” Ikiye apwa Lizu, “Mu kuputuka kwapwile Lizu, kaha Lizu lyapwilenga na Kalunga, kaha Lizu lyapwilenga Kalunga. Kaha lize Lizu lyalitengelekele kupwa wachisemwa cha hamavu nakutwama muli yetu.” Kahajino kachi etu natukavangiza Twamina wamwenemwene wamuchano, ou Shipilitu Wajila, Ikiye mwakatulweka ovyo Ikiye amwene, ovyo Ikiye ewwile, kaha Ikiye mwakatulweka vyuma navikeza. Amena. Yenu haze vene. Ikiye mwaya nakumilweza vyuma vili nakwiza.

³⁴ Kaha nge mauka lelo navakana Echi, kaha natutonda ngachilihi kuya Mwilu? Nge Shipilitu Wajila vatutuminyineyo kupwa Twamina, etu natuya nakupwa na cardinal, vamwe va mbishopu, vamwe va general overseer, mokomoko muthuumwe nge ngana kututwaminyina, ohonyi Shipilitu Wajila atela kutuhana twamina.

³⁵ Kaha ou Shipilitu Wajila lwola lwosena kuhanjika eli Lizu. “Ngukwechi vyuma vyavivulu vya kumilweka, enu oholyapwa kamweshi kuhasa kwivwushisa Evi ko jino, oloze omwo ikiye mwakeza, Ikiye mwakamitwaminyina muli Evi.” Ou ukiko mulonga nawijila Tutachikijilo. Ha kukumisa cha Katachikijilo ka namba Seveni, mangana a Kalunga atela kukuma, kutachikiza Hiya Kalunga, Ikiye hiya, omwo Ikiye ayoya, chisemwa Chenyi, Kupwa Chenyi. Enu mwatelanga kupwa muvosena mujila ya helu *hano* ha lwola luze, talenu, kutuneha mu kuzala cha chivwuvu cha vana vamaunga nava mapwevo va Kalunga, Liuka lize vanakoso na Manyinga a Kulishitu, vanalanda chakuzeneka mali, vanafwetela na Manyinga a Yesu Kulishitu.

³⁶ Jino, hano jino etu, uze Twamina, kaha Ikiye apwa Twamina wakuhana kuli Kalunga. Jino, etu tuli nakuya nakuhita mu chipapa, kaha etu tuli mujila yetu kumwe, kaha katweshi kuhasa kuya chakuzeneka ou Twamina. Kaha kunahase kupwako umwe nahase kushishisa weka muli ou twamina! Kachi ove unahase, Ikiye mwaya nakukufumisa mumukana. Ou Twamina natachikiza eyi jila! Ikiye natachikiza kala mwamundende mwa eyi jila. Ikiye natachikiza vishinganyeka vyosena vya muchima wove. Ikiye natachikiza muthu wosena ali hano. Ikiye natachikiza ove uhiya na ocho unalingi, nomu mwosena wapwa. Ikiye apwa Twamina ya Kalunga, ou Shipilitu Wajila, kaha mwaya nakusolola vyuma kana kuli enu, kaha mwaya nakutulweka vyuma Ikiye ewwile, keshi kuhasa kuhasa kuhitamo mumazu oveko cheka na kuhanjika ovyo ove unahanji. Amena. Nangumilweka omwo munapunga, omwo mwapwa, noku enu muli nakuya. Uze Twamina, Twamina wakwoloka, kaha Ikiye mwaya nakumitwaminyina mu Muchano, kaha Lizu Lyenyi lyapwa lya Muchano.

³⁷ Jino, ou Shipilitu Wajila keshi kahasa kumilingisa, kuhanjika “amena” kuchuma chimwe jinapu jishimbi jauthu. Mwaya kaha na kwitavila Lizu lya Kalunga na “amena,” ’mwomwo Mukiko lyapwa. Ou Shipilitu Wajila keshi kuhasa kumitwaminyina enu mujila kalako. Jino chuma chaungeji chili, nge etu vosena, vikungulwilo vyetu vyavinene na vyuma, etu tweji kuvivuluka kupwa vyakutwaminyina kuli Shipilitu Wajila, kaha muli chihandwa chachinene nge omu lili likumbi na musana muli vosena.

³⁸ Oloze omwo Paulu, uze ka Fwalisewu wamundende uze atambwile Shipilitu Wajila omwo Anayiya amujimikile, kaha ikiye ayile mu Arabia na kutanga mummyaka yitatu, kukinduluka, kaha kuhilile numba liuka pamo mummyaka fwoteni, kaha omwo ikiye ejile na kuliwana na Petulu, uze apwilenga mutwe wa liuka mu Yelusalema, vakiko vapwile liso na liso mu Kunanangula. Mwomwoika? Uze Shipilitu Wajila youmwe! Kuze Petulu ajimikile mu Lijina lya Yesu Kulishitu, Paulu naikiye alingile mwomumwe chakuzeneka kulutwe kulweka kalamuthu. Kuze Petulu anangwile lujimiko lwa Shipilitu Wajila, na kujilika, na vyangocho, Paulu alingile vyuma vyovimwe, chakuzeneka kuhula liuka, mwomwo Apwilenga Twamina youmwe. Kahajino etu natupwa ngachilihi lelo omwo vathu navakana eyi Michano? Omwo Petulu anangwile omwo liuka mujila lyatela kupwa kulihaka muchiyulo, Paulu apwilenga na Kunangula chochimwe, ’mwomwo vakiko vapwilenga na Twamina youmwe.

³⁹ Ou Twamina keshi kuya nakumbata umwe mujila *eyi*, kaha mukwavo mujila *ize*, na kutuma umwe kumututuko kaha mukwavo kumulauko. Talenu, Ikiye ali nakuya nakumilama enu vosena. Kaha kachi etu natuya nakwecha ou Shipilitu Wajila kutulama etu vosena hamwe, etu natuya nakupwa umwe. Kachi—kachi etu natuhona kwecha liyavolo kukukokela mujila yakuhenga, etu natuya na kupwa muchima umwe, kujina chimwe, na muumwe, hali Shipilitu umwe, ou Shipilitu Wajila, ou Twamina ya Kalunga uze mwaya na kutwaminyina etu vosena mu Muchano. Echi chakwoloka. Oloze enu mwatela kukavangiza Twamina yenu. Eyo, mwane.

⁴⁰ Tala hali Nyikondemu, ikiye atondele uze Twamina, ohonyi ikiye muthu wautongwe. Ikiye apwile mulongeshi, pamo ha myaka yakusemuka eyite. Ikiye apwile ka Fwalisewu, mokomoko—mokomoko wa Muzango Yakusopesela, wamu Kasulu, mu Lizavu lya Kakuzata. Ikiye apwile umwe hali vaze malunga vavanene, mulongeshi mu Isalele, mwata nawa. Shinganyeka, mwata wa milongeshi! Eyo, ikiye atachikijile jishimbi, oloze omwo chejile kukusemuka chachihya, ikiye atondeweze uze Twamina. Ikiye apwile na zala yachize. Ikiye atachikijile kwatela kupwa chumachimwe chakuhandunuka. Ikiye kusoloka kuli Kulishitu ufuku uze chenjikijile. Echi nawa

chinenjikiza, kwivwa cha vosena, oloze naumwe pimbi apwile na—na kuhamuka chize ikiye apwile nacho. Kuze kwapwile naumwe pimbi ahashile kwiza na kulinga chiz e ikiye alingile. Enu vosena, vathu, veji kumupaisa Nyikondemu ha kwiza na ufuku. Ikiye ayile kuze. Ikiye ahetele. Ngunatachikiza vathu vamwe kaveshi numba kuhasa kuputukako, musana mokomoko ufuku. Oloze ikiye ayileko kuze, kaha ikiye atondele uze Twamina, kaha ikiye ngwenyi, “Mwata, etu,” kufuma Muzango ya Yakusopesela, “etu tunatachikiza nge Ove wapwa Mulongeshi wakufuma kuli Kalunga.” Mwomwoika ikiye atachikijile chize? Ikiye apwile wakwinjikiza. talenu, ikiye atondele kutachikiza echi kusemuka chachihya chalumbunukila mulihi, kaha ikiye ayile kuchilyo na kuchilyo Chimwe, mwomwo Kalunga nenjikiza Uze apwile Twamina Yenye, Yesu. Talenu omwo ikiye ahanjikile, “Mwata, etu tunatachikiza nge Ove wapwa Mulongeshi wakufuma kuli Kalunga, mwomwo naumwe pimbi nahase kulinga vyuma kana evi Ove uli nakulinga, kuvangila Kalunga ali na ikiye.”

⁴¹ Echi chapwile kwinjikiza, nge kwapwile Kalunga wakuyoya mukachi ka Ikiye. Chuma Ikiye ambulwile, “Keshi Yamiko ngweji kulinganga eyi milimo; apwa Tata Yami uze atwama muli Yami. Chamwenemwene Nangwamba ngwami, Mwana keshi kuhasa kulinga nachimweko muli Ivene; oloze shina chize Ikiye mwamona Ise alinakulinga, chikiko mwalinga na Mwana nawa. Ou Tata mwazata, kaha Nanguzata kufuma haze.” Mujila ikwavo, Kalunga eji kumulwekesanga Ikiye chuma atela kulinga, kaha Ikiye ayile nakulingamo mwamuze vene. Ikiye kalingile chuma ko palanga Kalunga amulwekele Ikiye mwakulinga. Amena. Ou ukiko muchano uvene wa echi. Kachi etu natuhasa kutambuka na kuvandamina palanga na Shipilitu mwatutambukisa etu! Mukiko kaha. Kaha jino kupwa kaha wakujimbala muli Kulishitu muze Ikiye keshi kuvangila kukutambukisa na fwosholo nge omu Ikiye eji kulinganga yami, oloze lihunda lyatete lya Ikiye kupwa mutwe, ove uli wakulizanga kaha kakweshi chuma chimwe nachiya nakukwimika, mwomwo ove unatachikiza nge echi chinapu pungu ya Kalunga.

⁴² ikiye atondele Twamina. Ikiye apwile Twamina wa kwinjikiza. Ikiye mangana vmutwaminyine kuli Twamina mwomwo ikiye atachikijile nge ou Twamina apwile wakuhwimina kuli Kalunga. Ikiye atachikijile nge visemwa vize ikiye nazachilanga, pamo kuli Vafwalisewu, Vasanduke, na va kala mwosena omwo, ikiye nazachilanga jize jishimbi kaha kamwene chuma chimwe chasolokeleko. Oloze jino hano kwejile Muthu mulwola kana, kuhanjika ngwenyi Ikiye uze Meshiya vashikile mu Mbimbiliya. Kahajino Ikiye alumukile na kuzata ize milimo kana ya Kalunga. Yesu ngwenyi, “Kachi Nanguhona kulinga milimo kana ya Tata Yami, kahajino kanda

Mungufwelelako. Oloze kachi enu kamweshi Kungufwelelako, fwelelenu eyi milimo Nguli nakulinga, mwomwo ikiko ili na kungwmbulula Yami.”

⁴³ Kahajino, shikangaho Nyikondemu ahashile kuhanjika ngwenyi, “Mwata, etu tunatachikiza Ove wapwa u Mulongeshi wakufuma kuli Kalunga, mwomwo naumwe muthu nahase kulinga vyuma kana Ove uli nakulinga chakuzeneka Kalunga kupwa na Ikiye.” Talenu, ikiye atondele uze Twamina, chipwethuhu ikiye apwile mwata wa vyuma vimwe. Ikiye apwile mwata wa liuka. Ikiye apwile na ulemu, kaha ikiye apwile—ikiye apwile na vihela vya kuzama, kaha ikiye apwile lunga wamunene; kukakasana chauchi, kalesa kufuma kufuma kuli vosena vathu vamuze mulifuchi. Oloze omwo chejile kukusemuka chachihya, ikiye atondele uze Twamina! Shikangaho nayetu nawa, yaah, etu tunatondeka uze Twamina.

⁴⁴ Kolonelyu, apwile lunga wamunene, muthu wamulemu. Ikiye atungile mauka. Ikiye alemesele Vayuleya mwomwo ikiye atachikile nge kulifukula chavo chapwile chakwoloka. Kaha ikiye afwetelenga mawana akulisakwila, kaha ikiye alombelenga hakumbi hakumbi, oloze omwo Shipilitu Wajila ejile (Chumachimwe vachihakilileko kuliuka), ikiye atondele uze Twamina. Kalunga amutuminyinyine Shipilitu Wajila. Ikiye Amutuminyinyineyo kuhichila muli muthu Petulu, “Shimbu Petulu achili nakuhanjika Mazu awa, uze Shipilitu Wajila aholokele hali ikiye.” [Ha tepu hapimbi—Muka.] Kalunga azachishile uze Twamina kuhichila muli Petulu. Ikiye Amuzachishile, mwomwo Ikiye atwaminyine Kolonelyu mujila yakwoloka. Kaha shimbu ikiye apwile nakuhanjika, uze Shipilitu Wajila aholokele hali vakiko Vakamafuchi eka na eka. Kahajino ikiye ngwenyi, “Kunahase kupwa muthu umwe mwahasa kuvakanyisa meya, mangana vahone kuvajimika?” Talenu, hanga uze Twamina kuhanjika, keshi Petulu ko. Mwomwo lize lyapwile lizavu lya va Yuleya...mokomoko Vakamafuchi eka na eka, “vakuzeneka kutoma, majilo” kuli ikiye, kaha ikiye kazangile numba kuyako. Oloze uze Twamina ngwenyi, “Nguli nakutuma.” Enu mweji kulinga vyuma vize enu kamweshi kushinganyeka nge munahase kulingako, nge Twamina nambate kuyula chosena, nge ove naumwecha Ikiye kukutwaminyina ove. Mamalelo, omwo chawaha hakupwa nakukutwaminyina kuli Shipilitu Wajila. Ikiye apwa Twamina. Chosena chakwoloka. Ikiye ahanjikile kuhichila muli Petulu kaha amulwekele ovyo atela kulinga. Kahajino omwo vakiko vatambwile Shipilitu Wajila, ikiye ngwenyi, “Etu katweshi kuhasa kuvakanyisa meya, kumona navakiko vanatambula Shipilitu Wajila nge etu hakuputuka.” Kaha vakiko vavajimikile mu Lijina lya Mwata Yesu. Jino, Hiya amutwaminyinyine ikiye mangana alinge muze? Uze Twamina uze apwile muli ikiye. Kumana Yesu kavalwezeleko,

“Kanda kumbata numba chishinganyeka cha ika naukahanjika, mwomwo keshi oveko mwakahanjika; shina Tata atwama muli enu, Ikiye eji kuhanjikanga”? Amena.

⁴⁵ Uze chilolo, kufuma ku Yelusalema. Kaha Kalunga apwile na Twamina muno mukaye lwola luze, uze Shipilitu Wajila, kaha Ikiye apwilenga na muthu kuze apwilenga wakuzala na uze Twamina. Ikiye kapwilenga numba mukakunangula ko, ikiye apwilenga pamo nge mukakuzata muliuka. Kaha ikiye apwilenga kuze na kuka mukuka na kutapula vandemone, kaha kuneha kusunga chachinene, kuwahilila chachinene chapwilenga muze mumbongi. Ikiye apwile na vathu handuleni vamujingulukile ikiye, kaha uze Twamina ngwenyi, “Chize chili kwakusuku chikuma, echa tuyenu mujila eyi jila.” Ikiye kalipikile na uze Twamina yenyi.

⁴⁶ Kanda kulipika na Lizu lya Twamina yoveko. Mukavangizenga Ikiye. Kachi nge chiku, nauya nakujimbala. Kaha, anuka, nge naumuseza Ikiye, uli haukawove ove lyavene, shikaho etu twatondo kupwa hakamwihi na uze Twamina.

⁴⁷ Shikaho mujila yakuya, Ikiye ngwenyi, “Seza eli lizavu jino, Fwilipu, kaha yakonga mupambo muze kamweshi numba muthu ko. Oloze Nguli nakukutuma ove kuya kuze, kaha nakuya nakupwa muthuumwe omwo Nangutuma ove kuze.” Tala kwejilenga chilolo ukawenyi, ikiye apwilenga lunga wapuhu kuli uze mwangana wapwevo muze mu Ethiopa. Shikaho ikiye apwilenga nakwiza, nakutanga mu Mukanda wa Isaya. Kaha uze Twamina ngwenyi, “Yako upandama kuli lize litemba.”

kaha ikiye ngwenyi, “Ove uli nakwivwushisa ovyo uli nakutanga?”

⁴⁸ ikiye ngwenyi, “Nanguhasa ngachilihi nge kakweshi muthu mwangutwaminyinako?” Mamalelo, yami! Oloze Fwilipu apwilenga na Twamina. Amena. Kaha ikiye aputukilile haze vene hali chize Chisoneka, na kumunangula Kulishitu kuli ikiye. Amena. Twamina! Keshi kumulweka jishimbi ja uthu, ikiye amulwekeleuze Twamina, Kulishitu! Kaha ikiye amujimikile muze vene mumeya amwe. Punduvene, mukiko chapwile. Mamalelo, omwo Ngwachizanga chize!

⁴⁹ Omwo va Isalele vasele Yijipitu nakuya kulifuchi lya lushiko, mu Kulovoka 13:21, Kalunga atachikijile nge vakiko kanda lyehi vatambuke ungeji. Wapwile kaha fwote milosi, oloze vakiko vatondeweke chuma chimwe chakuya nacho. Vakiko navajimbala jila. Shikaho Ikiye, Kalunga, avatuminyine Twamina. Kulovoka 13:21, chumachimwe nge ngachize, “Nangutuma Kangelo Kami kulutwe lwenu, ize Panda ya Kakahya, kumilama enu mujila,” kumitwaminyina enu kulifuchi lya lushiko. Kaha vana va Isalele vakavangijile uze Twamina, ize Panda Yamulangi wakakahya (ufuku), Livwi na musana. Nge Nalimana, navakiko kwimana. Nge Nalisuwuka muungeji, navakiko kusuwuka ungeji. Kaha

omwo Ikiye avahetesele kwakamwihi nalize lifuchi, kaha vakiko kavapwile vakutamo kuzauka ko, Ikiye avatwaminyinyine cheka nakuvakindulwisa mupambo. Ikiye kahashile kuya navoko.

⁵⁰ Mukiko chili na liuka na lelo. Nakukakasana chauchiko tala kuvandamina chikiko cha Kalunga lelo, nge muze chapwilenga na mumakumbi a Nowa nawa, liuka keshi linayi kachi nge lyolokanga nakupwa muchiyulo. Oloze Ikiye alitwaminyinyine nakujinguluka nakujinguluka na kujinguluka.

⁵¹ Va Isalele kavatachikijileko, omwo vapwilenga nakutambakana, hakumona kufwa cha maswalale ja mu Yijipitu, kujiminyina cha vimbulu, matemba a Fwalo kwalumuka kafula kamakonde, vakiko vatambwile kuhasa chavo, Mose mu Shipilitu, kwimba mu Shipilitu, Mirriam kukina mu Shipilitu, kaha vana vamaapwevo va Isalele kulaha noku noku muchan, kutambakana na kukina, vakiko vapwilenga na makumbi amandende kufuma kuze kwapwile mavele na uchi. Vakiko kavatachikijileko nge na myaka yinapu fwote kufuma haze, mwomwo vakiko vaputukile kuyayavala hali Kalunga na uze Twamina.

⁵² Kaha etu tunaliwane etu vavene mujila yoyimwe. Nguli nakuya ku Shreveport kufuma hano. Kaha Shipilitu Wajila aholokele ha Likumbi lya Kusakwilila, mwahichi myaka fifite, mu—mu Louisiana, ha Likumbi lya Kusakwilila. Omwo Liuka linaholoka kufuma luze lwola! Munejiva nge liuka lya Katolika lyamu Loma ha kuputuka chapwilenga liuka lya chipendekosita? Ou ukiko muchano. Echi chakwoloka. Lyapwilenga liuka lya chipendekosita, oloze vavalemu vakunjinjila vaputukile kwingilamo na kwalumuna evi—evi Visoneka vya Kalunga kutwala ku visemwa vyavo, kuhakako Eji jishimbi javo, kaha na vyangocho. Kaha tala vyuma muka wawanyinemo jino, keshi numba kamukila ka Chisoneka ko muli vizeko. Vakiko vashishishilemo chuma cheka ha chuma cheka, chihanda cha mbolo na Shipilitu Wajila. Vakiko vashishishilemo kusapwile mu kujimika. Vakiko vashishishilemo “Tata, Mwana, na Shipilitu Wajila” muze mu “Mwata Yesu Kulishitu.” Vakiko vashishishilemo vyosena evi vyavinene vya Kalunga vize vyapwile vyakwalala lyehi kuli etu, kaha vakiko vali kwakusuku, kwakusuku chikuma, kwakusukusuku na Kunangula cha Visoneka.

⁵³ Kaha va Pendekosita vaholokele mu Louisiana, mu myaka fifite kunyima okwo, kaha kachi nge nayimana myaka yikwavo tu handulendi, naliya jino kwakusuku kuhambakana liuka lya Katolika omu lili, kachi nge nalitwalilaho kuholoka nge omu lili mu myaka fifite yinahichi ngena, mwomwo vakiko vali kaha nakuhakilako kuli echi lwola lwosena, nakutwalilaho. Vaze vakakunangula va mwaka vaya lyehi. Kuliwana cha mujila, kamweshi kevwa chipwe chimweko. Vyuma vyosena etu tuli navwo vinapu lizavu kaha lya Hollywood

vanahakilako, mapwevo kuteula jikambu kuvwala jiputula, kulikwita ulombo, na vyuma vyosena kala, kulisanyika vavene kupwa Vakakulishitu. Vamwe Ricky vavandende na ngita, kufuma chihela echi nakuya kukwavo, kaha mapwevo na ndeleji jakulikwata ngana nge...kupwa kaha nge muthu wachiwomawoma na—na chikove haweluka, kwiji pamo, ali nakuchikima kukamega, kulaha akanduka helu na kushikumuka hamavu kukamenga, kukina na vingelengele kumatwitwi anasukama yengelenyengele, kaha umwe wavo hano pwevo wakalemesa wamuhya wa lifuchi lya vakakutewula jikambu, kahajino kulisanyika vavene kupwa Vakakulishitu.

⁵⁴ Chuma etu tunatondo shina uze wamwaka, wakatuma kuli Kalunga, ukwechi kulifukula cha kuwema chize nachiya nakwocha kaye kosena muliuka. Etu twatondo kwiza nakukinduluka kunyima kuli Shipilitu Wajila na Kakahya, kukinduluka kuchuma chize nachocha majilo, kuneha kunangula chamwaka chakunyima, kulingisa Melu kupwa helu, kaha hetese kuzuma, kusungamisa muyengo wauta. Etu twatondo kunangula cha muyachi kana. Oloze enu namuchilinga lelo, chikungulwilo chenu nachiya nakuvwota nakuchifumisaho.

⁵⁵ Lwola lumwe vakakunangula vamwaza veji kuvafungumwisa kuvikungulwilo vyavo. Ou ukiko mulonga Ngwahona kupwa na chikungulwilo. Ngukwechi jiheadquarters imwe, ize yakufuma Mwilu. Kwosena oku Ikiye mwangutuma, kuze kukiko Nanguya. Vyosena ovyo Ikiye mwahanjika, Nanguhanjika. Etu katwatondele numba chikungulwilo ko. Eli liuka kalyatela numba kuhanjika ha chikungulwilo, enu munajimbalisa pashita hazevene jino. Kangweshi kwimana nakujinguluka hali echi ko, chipwe minyutu yitanu ko. Liuka kala lize lyalilingisa kupwa chikungulwilo lyayile ku mbuto, kaha ngulwekenu umwe uze kalingile ngochoko, ngulwekenu umwe uze akatukile cheka. Ou Shipilitu Wajila vamutuma kutwaminyina liuka, keshi lizavu lya vathu vamwe ko. Ou Shipilitu Wajila apwa mangana kaha. Vathu veji kupwa vakunjinjila, vakuhandunuka.

⁵⁶ Kalunga avalwezele vakiko nge Ikiye mwaya nakuvatumina Twamina, Ikiye mwaya nakuvatwaminyina mujila. Kachi kaha vakiko navakavangiza Panda ya Kakahya, vakiko navapwa kanawa. Ikiye avatwaminyinyine chikolo chalifuchi lya lushiko, kaha jino nge muze Ikiye ahashile kuya. Kahajino Yoshiwa, uze liswalale wamunene, anuka lize likumbi avalwekele, “Lijilikenu enu vavene, likumbi lya muchitatu Kalunga ali nakwiza nakusokolola Yotane hano vene etu natuya nakuzauka”? Jino tala chize ikiye ahanjikile (Ngwazanga echi) mu Chisoneka, ikiye ngwenyi, “Twamenu hakamwihi na Chikasha, mwomwo enu kanda lyehi muhite kusali oku.”

57 Chikasha chapwile Chuma muka? Lize Lizu. Kanda kutambuka jijila ja vikungulwiloko, twamenu kunyima ya Lizu, mwomwo enu kanda lyehi muhite oku. Kaha, ndumbu walunga, kachi kwapwile lwola luze liuka lya Vakakulishitu lyatela kulitalatala vavene, luno vene jino. Etu tuli vene jino muze muli kuliwana nakwingila mu Loma hano vene, vihandwa vinakusoloka, kuliwana cha mauka, omwo evi vikungulwilo vyosena vanavinungu hamwe nakutunga chifwanyisa cha chisuma, muze vene yahanjikile Mbimbiliya. Kaha munatachikiza vyuma muka etu twahanjikanga na chimene muli eyi Mijimbu. Kaha etu hano, vyuma vyosena vili vene kuchikolo, kaha vathu hanga vali nakukavangiza jishimbi jauthu. Enu mwatela kutwama muyima ya Lizu! Eli Lizu nalikutwaminyina nakuzauka, mwomwo eli Lizu lyapwa Kulishitu, kaha Kulishitu apwa Kalunga, kaha Kalunga ikiye Shipilitu Wajila.

58 Twama kunyima ya Lizu! Mamalelo, eyo, mwane! Twama na uze Twamina. Twama vene kunyima ya Echi. Kanda kuya kulutwe lwa Echi ko, enu twamenu kunyima ya Echi. Echa Echi chimitwaminyine, kanda enu Muchitwaminyina ko. Enu chechenu Chikiko chinyenga.

59 Yoshiwa ngwenyi, “Jino, enu kanda lyehi muhite oku, kamwatachikijile nachuma chimweko muli eyi jila.”

60 Ou ukiko ukalu lelo. Enu kamwatondele twaminako kumitwaminyina muli eyi jila yakumbwambumuka. Mamalelo, munatachikiza jijila jakulipalakanya na vyuma vyosena kala. Munatachikiza jila yosena ya shili. Kakwechi numba... Mamalelo, enu munapunga muno lwola lwalusuku. Kakweshi nakutondeka muyhu umwe kweseka kukulweka ove hali chizeko, munatachikiza jijila jakavatu josena. Echi chakwoloka, kala shili, munatachikiza kanawa. Kakweshi numba umwe atela kumilweka enu mwakwivila; enu munatachikiza. Naumwe pimbi atela kukulweka mwakushingila; enu munatachikiza echi. Naumwe muthu mwatela kumilweka enu mwakulingila vyuma vyavipi, mwomwo vanavihake ha kala mutondo.

61 Oloze, anuka, enu vathu muli Vakakulishitu, munazauka chize. Enu muli Mulifuchi lyeka. Enu munasemuka chachihya. Enu muli mu Lifuchi, Lifuchi lya Mwilu. Enu muli mu Lifuchi lya lushiko.

62 Enu munahase kutala, munatachikiza jila ya kujinguluka hano. Mamaah, yami, mwane. Munatachikiza chuma muka—chuma muka, omu mwakwimanyina halivoko lya makati. Munatachikiza omwo ngwee, nge najinguluka, omwo chalumbunukila, na vyuma vyosena nge ngachize. Oloze nge natwiza mangana tutachikize kujila na kwoloka na ngolo ja Kalunga, kaha nomu Shipilitu Wajila azata kaha nomu Yeji

kulinganga, enu mwatela kutwama kanawa kunyima ya Lizu, uze Twamina. Talenu? Enu kanda lyehi muhite oku.

⁶³ Chamwaza, enu ngwenu, “Ngwapwilenga wamwaza lunga wautongwe, Ngwapwile—Ngwapwile na jindingili jivali ja kushikola yayinene.” Ove watela kuvulyama chize. Eyo, mwane.

⁶⁴ “Ngunahichi mukulilongesa.” Ove watela kuvulyama chize. Yaah. Ove watela kutwama kunyima ya uze Twamina. Echa Ikiye akutwaminyine. Ikiye atachikiza jila; ove kawayitachikizako. Ove kanda lyehi uyihite. “Chamwaza,” ove ngwavo, “Vakiko vayihita lyehi.”

⁶⁵ Talenu kachi vakiko vayihita lyehi. Yesu ngwenyi, “Vaze vahichile jila kana, evi vinjikizo na vikavakavangiza. Mu Lijina, vakiko navakatapulanga va ndemoni, kuhanjika na malimi amahya; mokomoko kumbata na manoka mokomoko kunwa vyuma vya kufwa, kavyechi kavakolesako. Kachi nge navakanangika mavoko avo hali vakakuviza, navakayoya.” Vavavulu veji kukananga Echi, kukana Echi, kuhanjika Echi kupwa nge kacheshi chakuhwiminako. Vakiko kaveshi nakukavangiza uze Twaminako. Vakiko vali nakukavangiza jishimbi jauthu. Enu mwatela kutwama kunyima ya Lizu, mwomwo enu kamwahichile muli eyi jilako, munatachikiza.

⁶⁶ Oloze enu munasemuka chachihya, kaha enu munapu vakusemukila mwakujila. Enu kanda lyehi muhite oku. Enu muli na- . . . Kachi enu namuhita oku, enu mwatela kwiza nakuhita mukujila, mwomwo linapu Lifuchi lyalihya, Kuyoya chachihya, vathu vavahya.

⁶⁷ Enu namuya nakwiza kuliuka na namuya nakwivwa muthuumwe kukatuka, kutambakana, “Upahu kuli Kalunga! Heheluya!”

⁶⁸ Mwomwoika, namuya nakuhanjika ngwenu, “Mamaah, okuwaha, vakiko kanda lyehi valinge ngana muliuka lyami! Navaya nakukatuka nakulovoka!” Uh-huum. Talenu? Pwenunga vakuvanguluka.

⁶⁹ Twamenu kunyima ya Lizu, jino, echa uze Twamina amitwaminyine. “Ikiye mwaya nakumitwaminyina mu Muchano wosena, kaha na kusolola vyuma vyosena evi Ngunahanjika kuli enu. Ikiye mwaya nakumilweka. Ikiye mwaya nakumilweka vyuma vili nakwiza,” uze Twamina wa muchano. Kanda kuya kuli mbishopu ko; yako kuli Twamina. Kanda kuya kuli kala muthuko oloze kuli Twamina. Ikiye Umwe kaha vatumine kumitwaminyina. Ikiye Umwe kaha nahase kuchilinga. Kalunga atwama na jila yakwala lyehi ou Twamina. Mbata jila ya Kalunga ya kwala lyehi.

⁷⁰ Ukalu uli na lelo, shina vathu veji kwizanga kuliuka natwama mu minyutu yayindende, chuma chimwe kuya mujila kana ize vahona kwijilila.

⁷¹ Ngwakumbwile uze pwevo wamundende kufuma kuliuka lituta, ngwamulombelele ikiye. Kalunga ali nakuya nakuhindula uze pwevo wamundende. Ikiye kevwushisanga echiko. Ikiye katachikijile nachuma chimweko. Ikiye eji nakwingila, ikiye ngwenyi katachikijileko. Oloze Ngwamulwezele, “Twaya ukangumone yami.” Ikiye apwilenga nge kamama kaha nge chileya, oloze uze Twamina atwalilengaho kumulweka, “Tambuka nakuya.” Ikiye atambwile. Mukiko kaha. Talenu, echi chili mwomwo ya Shipilitu Wajila uze eji kutuwaminyinanga kuvyuma kana. Talenu, Kalunga atwama na jila yakwala lyehi.

⁷² Mwalingaho lyehi... Munapunga nakutalisa tulukuluku wamuchipapa, vapato vali nakuya kusango? Chamwaza, jino anuka, uze pato wamundende wamwaka asemukile kuze muze muchijiva kumwe. Ikiye katachikiza mututuko, kuto, mulauko, na sango. Ikiye katachikiza nachuma chimweko shina kutwama muchijiva muze mujipili muze mu Canada. Ikiye kanda lyehi afume muze muchijiva, oloze ikiye asemukile kupwa twamina. Uze muka kwimba wamundende asemukile kupwa twamina. Kaha chuma chatete, ufuku umwe kwapwile mbundu yayinene yapwilenga nakwiza nakuhita helu lya jipili. Chuma muka chasolokele? Chize kuhuhwa chituta chapwile nakwiza nakushikumuka nakuhita muze. Ngunahase kushinganyeka ikiye apwile nakuchikima, kuhanjika, “Mama, echi chalumbunukila mulihi?” Talenu, ikiye kanda lyehi evwenga ngonde yakututa. Ikiye aputukile kutalatala nakijinguluka, ikiye aputukile kutalisa kusongo ya chijiva, chaputukile kulikwata, meya amakaza kwiza muze muchijiva. Ikiye katachikijileko, oloze kukasumuka... Ikiye asemukile kupwa twamina kuli lize lizavu lya vapato. Ikiye atumbukile mukachi ka chize chijiva omwo chamuvetele. Enu munhase kuchisanyika mwosena omwo munatondo. Etu tweji kuchivulukanga ngwetu kuhwimina, mokomoko enu mweji kuchivulukanga, mamalelo, kwivwa kaha, kala mwosena omwo. Ikiye atumbukile nakuya mukachi ka chize chijiva, nakwimika uze muhopo mupeho, na kuya, “Swee swee, swee swee!” Kaha pato wosena muze muchijiva hazevene vejile kuli ikiye. Mwomwoika? Vakiko vatachikijile twamina, muzevene mujila kaha ahajikilile.

⁷³ “Kachi tolombita nayihana chivwumo chakuzeneka kulumbunuka, hiya mwaliwahisa lyavene aye kujita?” Chakwoloka. Hiya mwaliwahisa lyavene ha jita kachi ndolombita nayihana chivwumo chakuzeneka kulumbunuka?

⁷⁴ Chamwaza, kachi uze pato wamundende mwahana swee yakuzeneka kulumbunuka, hiya mwaya nakuliwahisa mangana atuke? Uze pato wamundende mwaya nakwimika uze muvumbo wenyi waundende, na kutambakana, “Swee swee, swee swee!” Kaha kala pato wosena wamundende mwaya nakwiza kuli ikiye. “Swee swee, swee swee!” Hano jino. Kusokoka chivene

vakiko navaya nakupwa nacho, haze vene mukachi ka chijiva, kwalumuka na kwalumuka na kwalumuka. Hanyima chindende mwevwa chili nakutambuka muli ikiye, ikiye atela kuya. Ikiye mwaya nakuwahisa mavava eyi amandende akuwashikumwisa na kutuka nakufuma muze muchijiva, kuya mupeho na kwalumuka nakujinguluka kapapa kawana mokomoko katanu, kaha kuya kaha nakutalisa ku Louisiana nge omu ahashile kuya, pato wosena hazevene muyima yaikiye. “Swee swee, swee swee,” uze mweza. Mwomwoika? Ikiye apwa twamina! Amena! Vapato vatachikiza twamina yavo, liuka kalyatachikizako. Yaah, ikiye atachikiza mwakulingila.

⁷⁵ Talenu hali vase tulukuluku vamwaka, kufuma ku Alaska. Jino, kuze kwapwilenga chilunga lwola lwosena apwilenga nakuvatwaminyinanga, kaha vakiko tulukuluku vatela kutala hali uze chilunga chikuma. Vakiko vatela kutachikiza uze chilunga ali nakuhanjika ika. Enu mwatanga lyehi echi mu mangajinyi ya *Look* hali echiko pamo mu myaka yiwana kunyima okwo, kuze kwapwilenga chilunga wamwaka lwola lumwe ahonene kutachikiza ovyo apwilenga nakulinga, kaha ikiye atwaminyinyine lizavu lya tulukuluku kufuma kwosena nakuya ku England? Echi chakwoloka. Vakiko kanda lyehi vavatachikize kupwa mu England. Mwomwoika? Vakiko kavatalishile uze—uze twamina yavoko. Uze chilunga wamwaka katachikijileko okwo apwilenga nakuya. Kaha jino vakiko vahonene kukinduluka.

⁷⁶ Ou ukiko ukalu na ava tulukuluku valelo, vakiko vachili nakuwunga. Vakiko ngwavo, ize mangajinyi ya *Look* ngwavo, ava lizavu lya tulukuluku nakujinguluka mu England, oloze vakiko vahonene kutachikiza mwakukinduluka. Omu mukiko mujila muli navamwe *tulukuluku* vase Ngwatachikiza. Enu muli na lizavu, kaha kuliwana chachinene, kaha muli na vakakuhizumwisa vezenga mangana vanangule chindende, oloze enu munahono kutachikiza okwo muli nakuya. Kutuka na kujinguluka na kujinguluka, mwomwo enu muli na vamwe vilunga kumitwaminyina mukupenda cha vikungulwilo; kaha keshi kukinduluka ku Lizu lya Kalunga ko, kukinduluka ku lujimiko lwa Shipilitu Wajila. Kaha jino etu natulikomokela mwomwoika katweshi na kuhizumuka makumbi ano. Uh-huum. Talenu? Enu mwatela kupwa kupwa na Chivwumino chimwe! Chize Chivwumino chinapu ndolombita ya Mujimbu wamwaza kuhwima Mujimbu wamwaza, Lizu lyosena lya Kalunga. Keshi jishimbi jauthuko, keshi chikungulwiloko; oloze Mbimbiliya, ou Shipilitu Wajila. “Evi vinjikizo na vikakavangizanga vase vakakufwelela.” Talenu? Kaha vase navaya nakushikumuka mujila.

⁷⁷ Umwe chilunga wamwaka lwola lumwe, vakiko vahanjikile, lizavu limwe valijihile, kweseka kutuka nakuhita mumilima, vahonene kutachikiza okwo ikiye apwile nakuya, lyavene,

kaha vakiko vosena valivetele mujipili kuze, kaha vamwe valyenyekele, nakutuvika. Pundu! Vakiko vatala kutachikiza chivwumo chavo. Uze pato wamundende, kachi atwama na chivwumino chimwe kaha wosena atachikiza, Vakiko vatwama na kutuka chakusokoka chachindende kaha vakiko veji kuya ku sango. Vakiko veji kuya kuze nakulinga ika? Kuze kunazeka kututa.

⁷⁸ Jino, kachi Kalunga mwahana pato mangana akutamo akutachikiza mwakuchinyina chize kututa, ngachilihi Ikiye kuhana liuka? Kachi pato mwahasa kulinga ngachize ha chivezu, ngachilihi ouu Shipilitu Wajila muliuka? Echi chatela kutwaminyna etu kufuma ku chisemwa na jishimbi jauthu na vyuma vimwe, kutwala mumaupahu, kujimika chamwaza cha Shipilitu Wajila. Yeji kuneha ngolo, chinyingi, kukakachila, kumukamoka kalunga, na Shipilitu Wajila. Omu mukiko Twamina wamwenemwene atela kutwaminynina, mwomwo Ikiye mwaya nakuhwima nakufumisa chuma chimwe oloze Mujimbu wamwaza, shina Lizu Iya Kalunga. Pundu, enu mwatondeka uze Twamina!

⁷⁹ Omwo, vase malunga vakamangana, vakiko kavatachikijileko chuma chimwe hali Kalunga. Vakiko vapwile—vakiko vapwile vakakuzata visava, vakatufuta. Vakiko vapwilenga na kutala kumututuko. Munatachikiza, Mbimbiliya ngwayo, “Etu tunamono Tanganyika Yenye Kumututuko, tuneza tulifukule kuli Ikiye.” Vakiko vafumine kumulauko, vakiko vatalile kumututuko kaha twamonanga Tanganyika Yenye. . . mokomoko kutala kumulauko, vakiko vapwile Kumututuko. “Etu twapwanga Kumututuko, kaha twamonanga Tanganyika Yenye kumulauko.” Talenu? “Etu twamonanga Tanganyika Yenye Kumututuko.” Kaha, talenu, vakiko vapwile Kumututuko. “Omwo twapwanga Kumututuko etu twamonanga Tanganyika, kaha etu tuneza mangana tulifukule kuli Ikiye.”

⁸⁰ Ngunahase kushinganyeka kumona vase vakweze kupwa nakulizanga mangana vayenga. Nguhase kushinganyeka umwe hali mapwevo javo kuhanjika kuli vakiko, ngwenyi, “Kuhanjika, vanalongejeka vyosena kanawa, oloze nyi teva yenu ili kulihi?”

Ikiye ngwenyi, “Kangweshi—Kangweshi kuzachisa tevako lwola luno.”

⁸¹ Ngwenyi, “Nauya ngachilihi nakuzauka jipili?” Anuka, vakiko vatela kuzauka na Kalwiji Tigris na kwiza nakushikumuka kuhita muvyana, kaha. . . mwomwoika, vakiko vatambukile mummyaka ivali hava ngamela. Navaya nakulinga ngachilihi? Ngwenyi, “Chamwaza, kaweshi numba nakuhanjika hali tevako.”

Ngwenyi, “Nduma.”

“Nauya ngachilihi?”

⁸² “Nguli nakuya mukwala cha jila ya Kalunga. Uze Tanganyika kuze ali nakuya nakutwaminyina yami kuli Mwangana.” Mukiko kaha.

⁸³ “Etu tunamono Tanganyika Yenye Kumututuko, kaha Twamukavangizanga palanga nakuno kumulauko, tulifukule kuli Ikiye. Ali Kulihi?” Vakiko vakavangijile kwala cha Kalunga. Vakiko vapwile vanazeye na mukuta wa jishimbi javathu muze vapwilenga. Vakiko vejile ku Yelusalema na kuputukile kuya na kushikumuka mujila, vaze vathu vakuvwala kana, vahanjikile, “Ali Kulihi? Ali Kulihi ou nasemuka Mwangana wa va Yuleya?” Chamwaza, uze apwilenga mutwe, uze apwilenga Yelusalema. Punduvene lize liuka lyalinene lyatela kutachikiza chumachimwe hali Echi. “Ali Kulihi? Ali Kulihi ou nasemuka Mwangana wa va Yuleya? Etu twamono Tanganyika Yenye Kumututuko, etu tuneza na kulifukula kuli Ikiye. Ali Kulihi?”

⁸⁴ Mwomwoika, vakiko vayile na kuli pashita *Munganji na mukananga* na kuli kapilishitu wamunene *Munganji na mukananga*, naumwe pimbi atachikijile chuma nachimweko hali Chize. “Mwomwoika, kuli Umwe nasemuka Mwangana wa va Yuleya, ali Kulihi?” Vakiko vahonene kutachikiza.

⁸⁵ Oloze kwapwile lizavu lya tufunga kuze kusali ya jipili halwola lwolumwe, eyo mwane, mwomwo vakiko vejile mukwala cha Kalunga.

⁸⁶ Shikaho vakiko vatwaminenga muze, kaha hazevene ikiye ngwenyi, “Nanguya nakumilweka omwo twatela kulinga, etu watela kupwa na kuliwana chavakulwane.” Shikaho vakiko wasnyikile Kasulu ya Sulandelini, kaha—kaha vashingnyekele kachi vakiko vevwile kalachuma hali Chize. “Nduma, etu katwatachikijileko numba chuma Echi.”

⁸⁷ Echi chikiko chuma chochimwe na lelo. Vakiko vahonene kutachikiza numba chuma chimwe hali uze Twamina, ou Shipilitu Wajila uze eji kukanga, kuzalisa, kulwila, mwakeza cheka. Uze Twamina uze atulwekele vyuma kana vize vyasolokele, hano jino ali mukachi kavakiko. Uze Mukakutumbununa vishinganyeka vya mu muchima; vakiko kavatachikijile numba chumako hali Chize, vakiko veji Kuchivuluka nge kutangula mokomoko chuma chimwe. Vakiko kavatachikijileko mwakuhanjikila hali Echi.

⁸⁸ Shikaho, mwamono, vaze malunga vakuzangama, chikalu kaha... Anuka, omwo vakiko vengilile mu Yelusalema, uze Tanganyika ajimbanganyine. Kaha kachi ove uli nakutonda kutala ha jishimbi jauthu na muthu wa chikungulwilo kukutwaminyina kuli Kalunga, kaha kukafwa cha Kalunga nachikuseza. Oloze omwo vakiko vavijile na kuzeya hali chize, kaha avasele, vasele jishimbi jauthu na vikungulwilo vya vaze va Yuleya, kaha vayile ku Yelusalema, kahajino uze Tanganyika ajimbanganyine kaha vakiko vawahililile

nakuwahilila chachinene. Vakiko vamwene cheka uze Twamina! Mamalelo, omwo chili, kupwa na kututa chachisemwa cha liuka, kahajino kukinduluka kukuwaha chize chakakahya, talenu uze Twamina kutwaminyina, ocho chihandwa kana na echi! Yaah, “Etu twamono uze Tanganyika Yenye Kumututuko kaha tuneza nakulifukula kuli Ikiye.”

⁸⁹ Yoshiwa ahanjikile kuli vakiko, “Jino enu kavangizenu Chikasha, mwomwo enu kanda lyehi muhite oku.” Kalunga keshi kwitavila echi Chikashako kuya kukala kwosenako. Vosena vakavangijile Chize, kaha Chayile nakuzauka Yotane.

⁹⁰ Chochimwe nalelo, hali Shipilitu Wajila. Eyo, mwane. Chuma chimwe kaha etu tunatachikiza, chipwethuhu napu Shipilitu Wajila mokomoko chiku, etu tunamono kuso-... kusoloka cha Chize, chize kusoloka kwinjikiza Lizu lya Kalunga.

⁹¹ Jino, keshi kunyima chikumako, lizavu lya vandumbwenyi vapwilenga na manyinga na maji, kaha chize chapwilenga chakwoloka kachi vakiko vatondele kulinga mujila kana. Nguli. . . Chize kacheshi kwinjikiza kuli yami ko. Echi chinapu Chisoneka kwinjikijiwa, talenu, chikalu kaha echi kwinjikiza chize ahanjikile Kalunga, echi chosena chakwoloka. Vakiko vahanjikile ngwavo, “Ou ukiko mulonga enu mukwechi Shipilitu Wajila, enu mukwechi maji mulivoko lyove.” Jino, Kangweshi—Kangweshi kuya kuli chizeko. Talenu? Nduma, Kangwafwelela nge maji ali nachuma chakulinga naechiko. Kaha kachi manyinga nawaya nakuhindula na kulwila, kaha chasolokele ngachilihi na Manyinga a Yesu Kulishitu? Kachi maji nawahindula, ngachilihi mikiki Yenye? Talenu? Talenu?

⁹² Ngwazanga ngachize kwiza nakupwa Twamina, uze mwakuneha ku Muchano wa Lizu, kahajino munatachikiza ove watela kupwa wakuneha mu kaha ove kupwa wakulizanga kulava nakushikumwisa. Echi chakwoloka, kupwa wakulizanga kutuka nakuya. Eyo, mwane. Yaah, mwomwoika? Uze Twamina Ikiye Uze eji kuchilingisanga kupwa chamwenemwene.

⁹³ Ngukwechi Chisoneka hano, Ngunahanenga evi Visoneka, oloze Ngwatondo kutanga echi chimwe. Chili Petulu wa Muchivali, kapetulu 1 vasi 21.

*mwomwo . . . kumyaka yosena kakwapwile
upolofweto wejile lwolalumwe wakufuma mumuchima
wamuthuko: oloze na vathu vahnjikile vyakuli Kalunga
hakuvahanjikisa kuli Shipilitu Wajila.*

⁹⁴ Kaha upolofweto wejile ngachilihi? Keshi na muchima wamuthuko, jishimbi jauthu; oloze ha muchima wa Kalunga, omwo malunga vakujila vavatambukishile na Shipilitu Wajila. Ikiye lwola lwosena napunga Twamina ya Kalunga. Uze ikiye Shipilitu Wajila uze apwilenga mu Panda ya Mulangi wakakahya, uze apwilenga Shipilitu Wajila, kala muthu

atachikiza nge apwilenga Kulishitu. Mose akanyine Yijipitu, nakwitavila kusauka cha Kulishitu kupwa luheto lwalunene kuhambakana luze lwa mu Yijipitu. Kulishitu apwilenga ikiye Umwe. Chamwaza, omwo vakiko vemaneyine na kuhanjika, “Chamwaza, Enu ngwenu Ove uli . . . Mwomwoika, Ove uli keshi kuhambakana myaka yakusemuka fifite ko, kaha ngwove Ove wamumona lyehi Apalahama?”

⁹⁵ Ikiye ngwenyi, “Shimbu kanda Apalahama apwengako, NGWAPWA.” NGWAPWA apwile Ikiye uze aliwanyine na Mose muze mu Panda ya Mulangi wa kakahya mu chiputa chakuwema. Eyo, mwane. Ikiye apwilenga Kalunga mumusonyi. Keshi muthu wamuchitatuko; Muthu youmwe muji ufwishu yakuhandunuka handunuka. Keshi tunga vatatu ko; jiufwishu jitatu ja Kalunga umwe. Chakwoloka.

⁹⁶ Chosena chakwoloka, jino, echi Chisoneka. Lwola lwosena, nge Kalunga mwakukuhana, Ikiye eji kuhana chamwaza. Nge Kalunga mwaneha jila nakukinga liuka Lyenyi, Ikiye eji kuhana chamwaza. Nge Ikiye ahanyine Alama na Eva, muze mulitepa lya Milemba, chuma Ikiye avahanyine vakiko lyapwilenga Lizu Lyenyi. “Enu twamenu kunyima ya Lizu, kaha enu namupwa mukukingiwa. Oloze kachi enu namufuma muli Echi, likumbi ove naukalya shikaho lize likumbi enu namukafwa.” Kalunga kanda lyehi alumune jijila Jenyi. Kaha Satana kanda lyehi alumune vyenyi; omu ikiye engilile muli Alama na Eva, ikiye eji kwingilanga muli vakiko na lelo. Mwomwoika? Ha kweseka kupezelesa Echi. “Jino, echi chili chakutamo nge Kalunga keshi kuhasako. Mamalelo, Kalunga nahajika ngwenyi,” mukiko ahanjikile Satana, “oloze punduvene Kalunga wakujila keshi kuhasa kuli echiko.” Punduvene Ikiye mwaya, mwomwo Ikiye ahanjikile Ikiye mwahasa!

⁹⁷ Kaha omu mukiko veji kuhanjikanga vathu lelo, “Mamalelo, jino vandamina! Enu kamwafwelela jino, kachi Nanguya kuliuka kaha Nanguya nakufweta chamulikumi chami, kaha Nangulinga *echi*, na *chikwavo*, Kalunga mwaya nakungumbila hamavu?” Kuvangila muthu mwasemuka chachihya, ikiye mwaya na kwivwushisa Wangana wa Kalunga! Talenu? Kakweshi mwakulipekela ko! “Chamwaza, uze muthu wamwaka wakuhutwa, uze pwevo wakuhutwa, kuli mwono wamwaka wamwaza.” Jila yimwe kaha vakiko vanahase kumona Kalunga, ali wakusemuka chachihya. Mukiko kaha. Kangwalizakaminako kukeha muka, wakulu ngachilihi, ukanyike muka, chuma vakiko valingile, kangahi vayilenga kuliuka, vikungulwilo vingahi vakiko vanatachikiza, jishimbi javathu jingahi vanahichimo. Enu mwatela kusemuka chachihya mokomoko enu kamweshi numba ha chikuku, hakuputuka. Echi chili vene chakwoloka.

⁹⁸ Shikaho, munamono, enu mwatondo uze Twamina. Ikiye mwaya nakumitwaminyina enu mu Muchano, kaha Muchano mu

Lizu. Ikiye mwaya na kumitwaminyina. Kaha echi chinapunga vene ngana. Kalunga kanda lyehi alumuke changanavene, mwomwo Ikiye apwa wakuzeneka kupuka numba kumisa kaha Ikiye atachikiza chuma chamwaza. Ikiye apwako, Ikiye lwola lwosena kwali, Ikiye—Ikiye vyuma vyosena. Echi chakwoloka, Kalunga apwa, shikaho Ikiye kanda lyehi alumuke. Chosena chakwoloka.

⁹⁹ Ikiye apwa Mukakwijikiza jila Ikiye alinakumitwaminyina. Ou Shipilitu Wajila, uze Twamina, apwa Mukakwijikiza eli Lizu lyalimwe eli Ikiye ali nakunangula. Jino, Luka vamutwaminyinyine kuli uze Twamina, ahanjikile ngwenyi, “Yenunga mukaye kosena, nakunangula Mujimbu wamwaza kuli vathu vosena. Wosena owo mwafwelela na kumujimika navakawalwila, wosena mwafwelela kaveshi kamupaisako. Kaha evi vinjikizo navikakavangiza vaze navakafwelela; mu Lijina Lyami vakiko navakatapula vandemone, kuhanjika malimi amahya, kukwata manoka, kunwa vyuma vya kufwa, kunangika mavoko hali vakakuviza kaha vakiko nakahinduka.” Kaha Mbimbiliya yahanjika echi, “Vakiko vayilenga,” vakutwaminyina kuli uze Twamina, munatachikiza, “vanagwile Lizu, na vinjikizo kuvakavangiza.” Chuma muka? Uze Twamina kwinjikiza Uze wapwile Muchano!

¹⁰⁰ Chize chapwilenga jishimbi ja Kalunga. Omu mukiko vachalilile. Eyi ikiko kwala Chenyi; Ikiye kalumukako kufuma kuli echi, mwomwo Ikiye apwa uze wakuzeneka maputukilo namakumishilo. Amena. Ikiye keshi kwalumukako kufuma kuli echi; Ikiye apwa Kalunga. Ngunahase kwalumuka; Ngwapwa ngumuthu. Enu munahase kwalumuka; ove wapwa lunga mokoko pwevo. Oloze Kalunga keshi kuhasa kwalumukako. Yami ngwapwa wakukuminamo; Ngunahase kuseuka kaha kuhanjika vyuma vya kuhenga, tuvosena tunahase. Oloze Kalungakeshi ngochoko, kaha hakupwa Kalunga. Kusakula Chenyi chatete chapwa chakukupuka. Eyi jila ya Kalunga yeji kuzatanga hachuma chimwe, eyi ikiko jila Ikiye atela kuzata lwola lwosena. Kachi Ikiye mwasanyika hali chize chuma mangana alwile mukashili, Ikiye mwamulwila ikiye ha chikuku cha chuma chimwe. Lwola lukwavo mukashilimweza, Ikiye atela kuzata jila yoyimwe, mokomoko Ikiye azachile mwakuhenga omwo Ikiye azachile mulwola chatete. Amena. Ngwamuzanga Ikiye. Ngunatachikiza ou unapu Muchano.

¹⁰¹ Nguli na myaka yakusemuka fifite seli, ngunapunga nakunangula Mujimbu wamwaza hano mu myaka seti seli na chimbwa, Kanda lyehi ngumone Linahono. Ngunamononga Vanalyesekanga kapapa katanu nakavali kujinguluka kaye, mukulifukula chakulisezaseza na vyuma vyosena vikwavo, kumeso avavavulu pamo chimbwa cha miliyoni ha lwola lumwe, kaha kanda lyehi Lihone. Kangwahanjika kufuma mumikanda yimweko, ngwenji kuhanjikanga kufuma muunjihono

wami, chikiko Ngwatachikiza nge Kalunga emana kunyima ya Lizu Lyenyi kaha eji Kulivumbikanga. Jino, kachi enu muli na jishimbi javathu, enu mwatela kutala kanawa. Oloze uze Shipilitu Wajila mwaya nakufukisa Lizu Iya Kalunga.

¹⁰² Muli Mukakujila Yowano, kapetulu 1 na vasi 1, ahanjikile ngwenyi Ikiye apwa Lizu, Ikiye apwa Twamina: “Kukuputuka kwapwilenga Lizu, kaha Lizu Iyapwilenga na Kalunga hamwe, kaha Lizu Iyapwilenga Kalunga. Kaha Lizu Iyalitengelekele kupwa wamusonyi kaha atwamine muli etu.” Mamaah!

¹⁰³ Petulu vamutwaminyinyine kuhanjika, ha Vilinga 2:38, omu mwakutambwila Shipilitu Wajila, ikiye ngwenyi, “Pihililenu nakwalumuka, enu vosena, kahajino vamijimike mu Lijina Iya Yesu Kulishitu kuneha kukonekela shili jenu, kaha jino uze Twamina mwamifumisa kufuma haze.” Yaah, echi chikiko chuma chakulinga. Chatete, kupihilila nakwalumuka kujishili jenu, kukuzeneka kufwelela chenu, nge munazeneka kufwelela vyuma kana. Pihilila nakwalumuka, kaha jino vamijimike, kahajino uze Twamina mwamimbata kufuma haze nakuya. Talenu, uze ukiko mulimo wove. Ou unapu mulimo wove wa kupihilila nakwalumuka. Ou unapu mulimo wove wakupwa wakujimika. Kahajino ou unapu mulimo wa uze Twamina kukumbata ove na kuya, kukutwaminyina kufuma ku chinyingi, kukulyononona, kukukakachila, kukumukomoka kalunga, na zangi yamuundumbu, kaha ou Shipilitu Wajila mwakujika ove. Talenu? Kahajino ove mupwa chivwuvwu chakuzala cha Kalunga, muthu wamwemwene wa Kalunga, pwevo wamwenemwene wa Kalunga, wakuzaminyina muli Kulishitu. Ngwazanga echi, echi chazamina muli Kulishitu.

¹⁰⁴ Yaah, Mako vamutwaminyinyine kuli Shipilitu Wajila, kusoneka Mako 16, mukikovene.

¹⁰⁵ Yowano vamutwaminyinyine omwo ikiye asonekele Kusoloka. Ikiye vamutwaminyinyine kuli uze Twamina. Ikiye vamutwaminyinyine kuli uze Twamina kuhanjika, “Wosena mwakafumisa Lizu limwe muli Eli, mokomoko kuhakako Lizu limwe kuli Eli, chochimwe naikiye nawa navakamufumisa chahanda chenye, kufuma mu Mukanda wa Kuyoya.”

¹⁰⁶ Jino, namuya ngachilihi na kutambasana chumachimwe na Lizu Iya Kalunga, kaha nakutwalilaho kuhanjika nge enu vali nakumitwaminyina kuli Shipilitu Wajila? Kacheshi nakwivwakana nge muli manganako, kacheshi nakwivwakanako? Nduma, mwane. Kacheshi nakwivwakanako.

¹⁰⁷ Ikiye napunga Twamina yami kuhichila mukuyoya. Ikiye nangutwaminyina mu Kuyoya. Ikiye apwile Umwe uze angutwaminyine yami mu Kuyoya, kaha Ikiye napu Kuyoya chami. Chakuzeneka Ikiye Kangweshi numba na Kuyoya ko. Chakuzeneka Ikiye Kangweshi nakutonda numba chumako. Ikiye mwami Mwosena na Mwosena. Mujiola ja maukalu,

Ikiye eji kwimananga na yami. Zau Angukisulanga yami, lelo vakiko vanalingi mwomumwe. Chuma muka Nangumona? Uze youmwe haya myaka, kwalisa ku Lijina Lyenyi! Amena. Eyo, mwane. Ikiye ashikile echi. Ikiye mwaya nakuchilinga. Ikiye Kuyoya chami, Ikiye Twamina yami, Mwosena na Mwosena. Ngunamufwelelanga Ikiye. Ngunapunga na vyeseke vyavikalu. Ngunamufwelela Ikiye kwosena okwo Ngunayinga. Ngwatondo enu kulinga echi. Kachi nge namuya nakukosa, enu mapwevo, mufwelelenu Ikiye. Kachi enu namuya mumbaka, mufwelelenu Ikiye.

¹⁰⁸ Ngwapwile na lwola lumwe Ngwashinganyekele nge pamo Ngwapwa muthu wamuchipapa wamwaza, munatachikiza, muunyanga chikuma. Ngwashinganyekele, “Yami ngwapwa muthu wakuzeneka kuhungumwisa kuli kala muthu nakuya na. . . Enu kamweshi kungujimbalisako. Mama yami apwilenga chimbwa ka Indian, kaha Ngwazangilenga chize. Mamaah, yami! Enu kamweshi kuhasa kungujimbalisa yami mumusenge, Ngunatachikiza oho Nguli.”

¹⁰⁹ Kaha kukumisa chiseke cha ulo ngwamwongele puwami chindende, Ngwamulwezele ngwami, “Unatachikiza, uchi wami, echi chinapu chuma chamwaza kuli etu kulimbata mu Tundwe mundende ha twende seli.” Mukiko vene, numba Mwata angulweke yami mwakulingila.

¹¹⁰ Kaha Ngwashinganyekele, “Jino, kupwa na chiseke chamuulo, Ngwalamine mali ami, kaha Ngwamumbachile nakuya nenyi ku Niagara Falls, kaha nakuya ku Adirondack na kulinga unyanga chindende.” Talenu? Shikaho Ngwamumbachile ikiye na Billy, ikiye apwile wamundende. Kaha shikaho Ngwamumbachile nakuya nenyi muchiseke chaulo, kaha chapwile naungeji wa unyanga, nawa, munatachikiza. Shikaho—shikaho Ngwashinganyekele nge nachiya nakupwa chuma chamwaza kulinga. Kaha shikaho Ngwamumbachile nakuya neyi helu, kaha. . .

¹¹¹ Ngwasonekele kuli Mukulwane Denton, uze mukakulama tunyama. Kaha nge etu tuli nakuya ku Pili ya Hurricane. Kaha Ngwambie ngwami, “Mukulwane Denton, Nguli nakwiza, Ngwatondo kuhanga vamwe vavuli na ove hamwe muli ize pola.”

¹¹² Kaha ikiye ngwenyi, “Chamwaza, Billy, twaya kuno.” Shikaho ikiye ngwenyi, “Nanguya nakupwa haze ha likumbi lya *munganji mukananga*.” Chamwaza, pwevo lyami nayami twalivangile kuze likumbi limwe shimbu kanda, kaha Billy, kaha shikaho kaze kazuvo kapwile kakukiya. Kuze kwapwilenga hamwe hakukundamina muze muchipapa.

¹¹³ Kuze, Ndumbu walunga Fred Sothmann na Yami twayile kuze keshi kunyima chikumako na kwimana haze. Uze Shipilitu Wajila, Ngwamumwene Ikiye nemana haze, chize Kumunyika chausungwa chapwilenga nakutambuka muze mumusenge,

kaha Fred nemana haze vene. Ikiye ngwenyi, “Twaya kusali, Ngwatondo kuhanjika kuli ove. Hamene,” ngwenyi, “Pwako wakuvanguluka, vakiko vanakutela muheto.” Ngwenyi, “Pwako wakutona!” Echi chakwoloka, Ndumbu walunga Fred? Kaha Ngwayile na kuchambulula kuli vathu vakuheta ku handulendi ufuku uze, kuze ku Vermont, Ngwambile ngwami, “Kuli muheto vanangutela; Ngulinakuya nakuutala. Ngunahono kutachikiza okwo uli.” Kaha uze ufuku washishilemo, wejile, kuwapwile. Ngwenyi, “Uze muheto ou vanakutela aha.” Eyo, mwane. Oloze uze Shipilitu Wajila angutwamininyine mwakulingila. Kaha, mamaah, yami, ukiko vene! Mamalelo, vavavulu muli enu vanatachikiza omwo chapwile. Kangweshi nalwola lwakuchambululako.

¹¹⁴ Oloze kwimana haze hachihela kana lwola luze, chaputukile kwalumuka nakupwa kututa lize likumbi. Mukwalene Denton apwile nakwiza likumbi lyapwilenga nakwiza, Ngwambile ngwami, “Unatachikiza, uchiwami, nachiya nakupwa kanawa kachi Nanguya nakupwa na—na likuma wamunene wakuyanenyi kwimbo.” Ngwambile ngwami, “Etu twapwile...Ngwapwile nakulama jize jingwee, kaha etu nawa mukulimbata.” Kaha Ngwambile ngwami, “Etu natuya nakupwa na nyama yamuchishika kachi nge Nanguya nakuhanga lelo.”

¹¹⁵ Kaha ikiye ngwenyi, “Chamwaza, twalilaho kuya, Billy.” Ngwenyi, “Jino, ove anuka, Kanda lyehi ami ngupwenga muno mumusenge,” ikiye ngwenyi. Ikiye apwilenga pamo twende faifi milosi helu lya jipili, munatachikiza, kaha ngwenyi, “Kangwatachikiza numba chuma chimwe hali echi ko.” Kaha ikiye ngwenyi, “Shikaho Yami . . .”

¹¹⁶ Ngwambile ngwami, “Chamwaza, jino, anuka, mwahichi myaka ivali kunyima Ngwajihile vaze vavuli. Haze vene helu lya pili kuze vene.” Kaha Ngwambile ngwami, “Jino, Nanguya nakupwa na likuma wamunene,” kaha Ngwambile ngwami, “etu natuya nakupwa na nyama ya muchishika.” Chamwaza, chili nakwivwakana kanawa, munatachikiza. (Kaha twanonele jizele, kaha twambachile malasha amulimokana—akuzachisa muchishika; kaha shikahojino Billy awalandulwile, kaha Meda na Yami twanonele halolwa lwa chingoloshi hanyima ya kukumisa uze Ungeji wami.) Shikaho jino Ngwa—Ngwambile ngwami, “Chamwaza, Nguli nakuya na kumbata uta wami, Nguli nakuya nakushikumuka hano.” Ngwambile ngwami, “Kuze kuli va vuli vavavulu kuno, Nanguya nakuwanako umwe.” Kaha Ngwambile ngwami, “Munatachikiza,” Ngwambile ngwami, “jino nanguya nakumumbata ikiye.” Kaha Ngwambile ngwami, “Chamwaza nanguya...Nanguya nakukinduluka linwaha vene.”

Ikiye ngwenyi, “Chwamwaza.”

¹¹⁷ Shikaho, omwo Ngwaputukile kuya, chasolokele nge chamwishi. Kaha wosena muthu muli mu New Hampshire, kaha nakukanduka kuze mu New England, vanatachikiza omwo chalumbunukila nge ize mbundu inashikumuka, mokomoko kala kwoosena mu jipili, ove kaweshi nakwijiva okwo uliko. Mukiko kaha. Ove nauhona kumona numba livoko lyove kumeso ove. Shikaho jino Ngwaputukile kushikumuka na—na kuteta chindende, nge, kwiza nakushikumuka, kaha kuzauka mungilingili nakwiza helu. Kaha Ngwamwene ndumba, enu mweji kumuvulukanga kuno ngwenu kusali ya lino lifuchi. Etu ngwetu, ku Mulauko, ndumba. Vakiko vejikumuvuluka, kuze, kupili ndumba. Ali kanyama youmwe. Ali waungona, mukiko vene atwama. Nge kangatwe, pamo kusuwa nge jifoot janaine, kulema pamo handulendi na fifite, tu handulendi pounds. Ikiye avatasanyine jila, kaha Ngwafumishile uta chikoki, keshi washiwashi chikumako kuhona kumwasa hali ikiye.

¹¹⁸ Chamwaza, Ngwalivembele nakuya kupili, kuhangasana uze ndumba, kutala mafwo kutala oku nayi, munatachikiza. Ngwamwivwile. Ikiye apwile na navimbundo viwana. Ngwatachikijile nge ikiye kapwa kanyama wa jisende ko, atwama na vimbundo viwana. Kaha Ngwatachikijile kapwile vuliko, mwomwo va vuli kuchwala. Kaha ikiye ahashile kuseunuka vene kanawa, nge kangatwe, munatachikiza, nge ngachize. Kaha va vuli veji kujingulwisa vipundo nge vali nakutambuka. Kaha shikaho Ngunatachikiza atela kupwa ndumba. Kaha ikiye kunyima ya mungowa kaha Kangwamumweneko, palanga nomu ngwamukewikilile, ikiye nayi.

¹¹⁹ Kaha Ngwatalile haze anyikishile mafwo, muntachikiza, helu lya pili, nakushikumuka nge ngana, kaha Kangwapwilenga nakutala lize livuko lyapwilenga nakwiza lwola lwosena ko, munatachikiza, kwiza nakushikumuka mbundu. Ngwaseunukile nakushikumuka, kuya nakushikumuka na muchana chachinene kaha nakuya mu Giants, kukavangiza uze ndumba. Ngwashinganyekele, “Nanguya nakumukwata hanyima chindende.” Nanguya nakumona chihela, kaha Nanguya nakulaha hakunyuka, kaha kutala nakujinguluka nge ngachize, kaha kunonoka nakujinguluka, kutala kachi Nangumumona; kwivwulila chikuma, nakushikumuka, kulivemba nakushikumuka cheka. Ove unahase kwivwa wakasha ili nakuya vwochi, kulutwe lwa yami, nge ali nakuya. Kutala, ikiye apwile nakuliveta mumutondo mangana Nguhona kumulandula. Kutala, ikiye wautongwe, engilile mumitondo na kutumbuka kufuma kumutondo nakuya kumutondo ukwavo. Kahajino ikiye atachikijile nge kangweshi kuhasa kumulandulako muze. Mamalelo, Ngwahinganyekele, “Mamalelo, ngachize vene!”

¹²⁰ Kaha Ngwaputukile kukinduluka nakukanduka mujipili, kaha Ngwevwile livumba lya vuli, vuli wakukula wachilunga.

Ngwashinganyekele, “Nangulyanjilayo jino, kanyike walunga, chize chapwile chamwaza!” Ngwevwile livumba cheka, kaha Ngwayile halutwe chindende, kaha Ngwatalile talile vinjikizo vyosena na vyuma vyosena. Kangwamwene chumako; kwalumuka, kaha kuya kunyima kuhita kusali yikwavo ja pili. Kaha jino Ngwaputukile kutalisa, mbundu chindende. Kaha Ngwanukile livumba cheka, ikiye apwile mupeho kumwe. Ngwambile ngwami, “Nduma. Jino, chuma muka chasolokele, peho yaputukile kwiza muli *eyi* jila, kaha Ngwejile. . . Chize kunuka cha vuli chejile nakushikumuka kusuluka muli *ize* jila, kaha Ngwapwile ngunazauka lyehi jino kaha jipeho kwiza na kufuminyina mujila ikwavo. Shikaho Ngwatela kukinduluka kuze Ngwevwilanga livumba lya uze vuli chatete, kaha nguputukile haze.”

¹²¹ Kaha mujila yami yakukinduluka, Ngwatalile kusali ya pili, Ngwamwene viputa vili nakutambuka. Kaha omwo Ngwalingile, chumachimwe chilava chili nakutambuka. Ngwashinganyekele, “Uze haze.” Ngwambilile chituku muuta, washi washi, kaha emanyine lwii. Kaha, omwo alingile ngachize, apwile likuma wamunene, umwe wamunene. Ngwashinganyeka, “Echi kaha chikiko Ngwapwanga nakuvandamina, mukiko kaha.” Kumwasa uze likuma.

¹²² Ngwashinganyeka, “Chamwaza!” Kangwamwene muyachiwenyiko. . . Lwola Ngwamujihile, kumutala. . . Ngwahunjile kumavoko ami na kujika poko yami, kuyikindulwisamo. Kaha Ngwashinganyekele, “Kalunga va Mwalise! Ngwa Kusakwilila, Mwata Yesu, Ove unanguhane nyama yamuchishika. Kalunga va Mwalise!” Kaha Ngwambachile uta wami. Ngwashinganyekele, “Nanguya nakukinduluka kuhita kupili jino.” Ngwambile ngwami, “Tala hano, kanyike walunga, kwejile mawve alava. Ngwatela kufuma kuno na kukinduluka kuli Meda na vakwavo.” Ngwambile ngwami, “Ngwatela kuzangula.”

¹²³ Helu lya pili hakiko ngwayile, kufumisa jimbutawu ha kochi yami yayinene, kaha Ngwapwilenga nakulaha kukanduka pili nge *ngachize*, nakujinguluka. Chuma chatete munatachikiza, Ngwashinganyekele, “Yami, Ngwalumukilanga halihi?” Peho yapwile yinashikumuka lyehi, mitondo ili nakuliveta hamwe. Ngwashinganyekele, “Halihi Ngwalumukilanga?” Ngwayile nakujinguluka. Ngwa—Ngwatachikijile nge Nguli nakuya vene ku Pili ya Hurricane. Oloze chosolokele Ngwemanyine, kaha Ngwapwile nakutukuchila, Ngwashinganyekele, “Ukalu ulihalihi hano? Ngunayi lyehi chimbwa cha ola, mokomoko vimbwa vitatu, kaha Ngwahonene kuwana chize chihela Ngwalumukilanga.” Ngwatalile helu, vuli yami wakusukika. Ngwapwile ha chihela chochimwe. Ngwashinganyekele, “Chamwaza, chuma muka Ngunalingi?”

¹²⁴ Chamwaza, Ngwaputukile kuya cheka. Ngwashingtonyekele, “Nanguya nakuyiwana jino lwola kana, Kangwapwilenga nakutalisako kanawa.” Ngwatalile ha kutambuka chosena kwosena, kutala. Ngwatwalileho kutondatonda, kutondatonda, kutondatonda. Aze mavwe apwile nakwiza, Ngunatachikiza mavwe a mbundu apwilenga mujila, mbundu yayinene yashikumukile, kaha jino Ngwaputukile kuhona kumonesa. Ngwashingtonyekele, “Nanguya kulutwe chindende,” kuya lika, lika, lika, lika, lika, lika. Kaha Ngwashingtonyekele, “Chamwaza, echi chaungeji, kusoloka nge echi chihela ngwachimonaho lyehi.” Kaha Ngwatalile, kaha vuli yami ou wakusukika. Talenu?

¹²⁵ Munatachikiza omwo Ngwapwile? Vaze ma Indians veji kuchivulukanga kupwa “kutambuka chakufwa.” Talenu, ove uli nakutambuka chakujinguluka, kujinguluka na kujinguluka. Chamwaza, Ngwashingtonyekele nge Ngwapwile mukweze wamwaza kupwa twamina kuhona kujimbala. Talenu, kakweshi chuma chachikalu chakungulweka yami mumusenge, Ngwatachikijile jila yakukindulukila. Talenu?

¹²⁶ Kaha Ngwaputukile kwenda cheka. Ngwambile ngwami, “Kangweshi kuhasa kuluwanganyisako.” Kaha Ngwejile cheka.

¹²⁷ Ngwatambukile helu lya pili chihanda chindende, kahajino ngwaputukile kuvilika. Mamaah, yami, mbundu kwosena! Hakamwihi nakwilava. Kaha Ngwatachikijile nge Meda mwafwa uze ufuku muze chipapa, ikiye katachikiza mwakulilaminako. Kaha Billy apwile kaha na myaka yiwana yakusemuka, myaka yitatu yakusemuka, wamundende chikuma. Kaha Ngwashingtonyekele, “Vakiko navalinga ngachilihi?” Chamwaza, Ngwakandukile helu nge ngana kaha Ngwahukanyine ha ulundu, Ngwashingtonyekele, “Nguli kumwe kwakusalamana, kaha Kangweshi kuhasa kumona nachumako, kwosena kwapwilenga mbundu kaha.” Ngwapwilenga nakujinguluka jino.

¹²⁸ Muuthu, Kachi ngunawane chihela nakukwachililako, kachi Ngwapwanga naumwe muthu. Ngunakwachila nakuvandamina palanga nomu mbundu kachi yinahichi, likumbi mokomoko avali, nakulovokamo. Kuvatula chihanda cha vuli yami. . . kuhaka kunyima yami, na kuya nakwingila, kulya, nakuvulyamako. Oloze enu kamweshi kuhasa kulinga ngachizeko, kaha pwevo lyove na kemba kusala muze mumusenge, na kunonga. Talenu?

¹²⁹ Shikaho Ngwaputukile kushinganyeka, “Nanguya Nakulinga ngachilihi?” Shikaho Ngwayile cheka kulutwe. Kaha Ngwashingtonyekele, “Jino, vandamina. Omwo ngwazaukanga chize chana chatete, peho yapwanga kumeso ami, shikaho Ngwatela pamo kwijilila oku. Ngwatela pamo kwijila kujila kana.” Kaha Ngwakimbwojoka muno mu Musenge,

oloze Ngwahonene kutachikiza oho Ngwapwile. Ngwambile ngwami, “Mamalelo!” Ngwaputukile kupwa nakulizakamina. Kaha Ngwashinganyekele, “Vandamina munyutu, Bill, ove kawajimbaleko,” kweseka kulisekeleka amilyavene. Ove kaweshi kuhasa kuseha echiko. Nduma, nduma. Chize chivezu chamukachi chili nakukulweka nge ove unahenge.

¹³⁰ Mamalelo, ove—ove uli nakweseka kuhanjika, “Mamalelo, Nguli wakulwiliwa, Ngweji kuyanga kuliuka.” Kanda kulizaminako, ove vandamina palanga nauze kahela wakufwa neza, kaha muya nakutachikiza chihandwa chacho. Chivezu chove chili nakukulweza. Chumachimwe mukachi kove kukulweka nge ove unahenge. Talenu? Munatachikiza kachi ove mufwa kaweshi kuhasa kuliwana nauze Kalunga wakujilako. Nge omu twamumonanga Ikiye naufuku unahichi ngana, na Vangelo vajila veji kufwikanga kumeso avo ha kwimana kuli Ikiye. Naukaya ngachilihi nakwimana kuweluka wa Manyinga a Yesu Kulishitu kukufwika ove?

¹³¹ Ngwashinganyekele, “Mamalelo, nanguya nakuhasa.” Ngwaputukile kuya. Kaha Ngwawanyine nge Ngwaputukile kwivwa Chumachimwe. Kahajino Ngwaputukile kulizamina. Kaha Ngwashinganyekele, “Jino, kachi nge Nangulinga ngachize, Ngulinakuya nakuvatuka muvihandavihanda.” Omu mukiko muthu wakujobala eji kulinganga, ikiye eji kuyanga muvihandavihanda muze mumusenge. Kahajino ikiye mwaya nakumbata uta, nakulyasa lyavene; mokomoko kuholokela muwina nakulihokola mahanji, kaha himwapwa muzevene, ikiye himwaya nakufwila muze. Shikaho Ngwashinganyekele, “Chuma muka Nanguya nakulinga?” Shikaho Ngwaputukile kutambuka nakuya.

¹³² Kaha Ngwatwalileho kwivwulila Chumachimwe kuhanjika, “Yami Mukakukafwa wahakamwihi mulwola lwa ukalu.” Ngwatwalileho kutambuka nakuya.

¹³³ Ngwashinganyekele, “Jino, Ngunatachikiza Nguli nakufuma mujila jino chindende, Nguli nakwivwa Lizu kuhanjika kuli yami.” Ngwatwalileho kuya lika. Ngwayile, “whuu, whuu, whuu,” kwimba muloji, munatachikiza. Ngwashinganyeka, “Jino, Kangwajimbaleko. Ove unatachikiza okwo uli, kanyike walunga! Ukalu ulihalihali na ove? Ove kaweshi kuhasa kujimbalako. Ove wapwa—ove wapwa uchinyanga wamwaza, ove kaweshi kuhasa kujimbalako.” Kulikoka ami lyavene, munatachikiza, kulilingisa ami lyavene kuseha amilyavene.

¹³⁴ Ove kaweshi kuhasa kulisehako. Kwakusuku *kuno* kuze kwapwile liwilo kwalumuka chindende, kuhanjika, “Kanyike walunga, ove unajimbala kaha naove unatachikiza. Talenu, ove unajimbala.”

¹³⁵ Ngwatwalileho kuya. “Mamalelo, Kangwajimbaleko! Nanguya nakupwa kanawa. Nanguya nakuwana jila yami yakulovokele.” Vyuma vyaputukile kusoloka nge kupwakanawako, jipeho kulisoka. Mbundu kuputuka kutuka, mbundu ya pemba chindende, mukiko tweji kuyivulukanga “kuholokela hamavu.” Ngwashingtonyekele, “Pwevo na kamba! Kangweshiko . . .” Ngwashingtonyekele, “Mamaah yami!”

¹³⁶ Hazevene Ngwevwile Chize cheka, ngwenyi, “Yami Mukakukafwa wakamwihi mulolwa lwaukalu.” Kaha Ngwapwilenga mukakuzata mu Mujimbu wamwaza jino, kunagula hano vene ha mbalaka.

¹³⁷ Shikaho Ngwashingtonyekele, “Chamwaza, chuma muka Nangulinga?” Ngwemanyine, kotalatala kwosena, kaha kwapwile mbundu kaha yinashikumuka lyehi. Ngwa . . . Mukiko kaha chapwile. Kakweshi chuma cheka chalingako jino. Ngwashingtonyekele, “Mamalelo, chuma muka ngunahase kulinga?” Ngwashingtonyekele, “Mwane, Kangweshi wakutamo kupwa wakutamo kuyoyako, Ngwapwile nalufwelelo chikuma muli ami lyavene. Ngwashingtonyekele nge Ngwapwile chinyanga, oloze Kangweshi ko.”

¹³⁸ Kaha, ndumbu walunga, Ngunapunga lwola lwosena kulifwelela Amilyavene. Kwasa, Ngukwechi unjiho na kuno. Kaha nduvi, Ami papu, oloze Ngunapunga wakumufwelela Ikiye lwola lwosena. Kwasa, Yami papu, oloze Ikiye etavilile kaye kusoneka evi. Talenu? Kwasa vuli, seveni, eyiti handulendi yard. Ngwapwile na uta wakujiha tunyama seti faifi chakuzeneka kupusanaho numba umwe. Tangenu echi kala kwosena, kachi enu munahase. Talenu? Keshi yamiko, ali Ikiye. Ngunamufwelelanga Ikiye.

Muze mukiko Ngwapwilenga, Ngwashingtonyekele, “Chuma muka Nangulinga? Chuma muka Nangulinga?”

¹³⁹ Ngwatwalileho . . . Chize chapandamine, kupandama, “Yami Mukakukafwa wakahamwihi mulolwa lwalukalu, uze vene Mukakukafwa.”

¹⁴⁰ Ngwashingtonyekele, “Ou napu Kalunga kuhanjika kuli yami?” Ngwafumishile litepa lyami. Ngwapwilenga litepa lya muungeji kana, lyakujingilika lihina lichila. Ngwalihakile hamavu. Ngwafumishile chashi chami, chapwile chituta. Kaha Ngwalile chashi chami hamavu, kukunjika uta wami kumutondo. Ngwambile ngwami, “Tata wa Mwilu, jino Ngunafumu muli amilyavene, Ngulinakwivwa Lizu kuhanjika kuli yami. Uli Ove tahi?” Ngwambile ngwami, “Mwata, Nguli nakuya nakwitavila kuli Ove nge Kangweshi nguchinyangako. Kangweshiko, Nguna—Ngunahono kuwana jila yami. Ove watela kungukafwa. Kangweshi wakutamo kuyoyako, kaha kulinga vyuma evi Ngunalingi, kwiza kuno na kushingayeka nge Ngwatachikiza chikuma kaha kangweshi kuhasa kujimbalako.

Ngunakutondo Ove, Mwata. Pwevo lyami apwa wamwaza. Kamba yami, kanyike walunga wami, naye ayalyehi, kaha ikiye ali nakweseka kupwa naye kuli ikiye, kaha kalinwaha Ngunamumbate. Kaha ali kuno, na wamundende, vase muze mumusenge, vakiko vosena navaya nakufwa ufuku uno. Ize peho, nayiya nakwalumuna pamo kuhambakana zero, kaha vakiko kaveshi kuhasa kutachikiza mwakuyoyelako. Vakiko navaya nakufwa ufuku uno. Kanda uvechela vafwenga ko, Kalunga. Ngutwale kuli vakiko, mangana ngumone nge kavatela kufwako. Ngunajimbala! Ngunajimbala, Kalunga! Kangweshi—Kangweshi kuwana jila yamiko. Kaweshi Ove kuhasa kungukafwako yami? Kaha ngukonekele, yami ha kupwa na kulifwelela amilyavene! Kangweshi kuhasa kulinga chuma chakuzeneka Ove ko, Ove yove Twamina yami. Ove ngukafweko, Mwata.”

¹⁴¹ Ngwakatukile, kaha Ngwambile ngwami, “Amena.” Ngwanonele kachitambala kami; chashi chami, kunona; kuhaka litepa cheka; kunona uta wami. Ngwambile ngwami, “Jino Nanguya nakulihaka ami lyavene mujila yambwende ize Ngunatachikiza omwo mwakuyila, muze vene kwivwushisa kanawa; kaha nanguya jila yimwe kaha, mwomwo Nguli nakujinguluka kaha kumwe, Ngunahono kutachikiza kulihi. Oloze Nanguya mujila Ove mungulweka, Mwata Kalunga, Twamina yami.”

¹⁴² Ngwaputukile kutambuka nakuya *eyi* jila. Ngwambile ngwami, “Eyi ikiko, kaha Ngwatela kulilingisa amilyavene kufwelela echi. Nguli nakuya *eyi* jila. Ngulinakuya nakusungamisa muli *eyi* jila. Kangweshi kuya nakuhandununako, Nguli nakuya muli *eyi* jila. Ngunatachikiza Nguli wakwoloka. Nguli nakuya muli *eyi* jila.” Kachi Ngwayanga jila ize, kachi Ngunayi nakulovokela mu Canada. Talenu?

¹⁴³ Hazevene Ngwevwile Chumachimwe kukwata ha lihye lyami, livoko, lyevwakanyine nge livoko lya muthu, shikaho, washu washu Ngwalumukile mangana ngutale. Kakwapwile numba muthu ko kwimana haze. Ngwashingtonyekele, “Chuma muka chize?” Eyi ikiko Mbimbiliya ili kumeso ami. Kalunga, Twamina yami kaha Mukakusopesa, nemana hano. Ngwatalile helu. Kaha nakuyima muli *eyi* jila, ize mbundu yinafumu lyehi palanga nomu Ngwamwene kaposhi helu lya Pili ya Hurricane. Ngwapwile nakuya nakufumako, kutesekesa na kuhasa chami chaunyanga, Ngwapwile nakuya nakufuma kuli ikiko, hinakuya nakutoka hichongoloshi jino. Ngwalumukile washu washu, kulitwaminyina amilyavene kuli ize. Ngwakwachile litepa lyami na kuzundula mavoko ami, Ngwambile ngwami, “Ngutwaminyine kuze, Kalunga, Ove wapwa Twamina yami.”

¹⁴⁴ Ngwaputukile. Ngwayile haze vene nakusungama nakusekeleka na kalavyuma vyosena nakuya kuze, kutoka

na kutoka. Kahajino kwelavile. Vavuli vapwile nakutumbuka kulutwe lwami, na kala vyuma vyosena. Kangwashinganyekele nachuma chimweko oloze kulilama amilyavene mujila imwe, kusungama muze mu pili.

¹⁴⁵ Kaha Ngwatachikijile nge Nanguheta kuze kukaposhi, Mukulwane Denton kaha Mwangu... Mwangu kafwa kuhaka ize tambo ya kuchishika. Etu twakashile ize wiya ya shinga kufuma ku Pili ya Hurricane, kufuma kuze mbwe na pamo seli na chimwa mokomoko fwo milosi, kusungama vene ku chilombo. Kaha yayile na kusungama chindende na mukoka, oloze, mbundu yapwilenga muze, kaweshi kutachikiza uze mukokako. Talenu? Kaha peho yapwilenga nakuhuhwa na vyuma vyosena, kwapwilenga milima na mbundu yayinene, yapwile nakuya, ove kaweshi kuhasa kutachikiza noho uli. Chamwaza, chuma chimwe kaha Ngwatachikijile mwakulinga, hanyima nakupwa na milima, kaha Ngwahonene kutachikiza... Ngunatachikiza Nguli nakuya jila imwe, kaha hazevene ha pili. Mwomwo Ngwatelele kukanduka ha pili, kaha uze kaposhi atwama haze vene helu lya pili, kaha Ngwapwilenga pamo sikisi milosi na kuheta kuze. Shinganyekenu, ize mbundu kufuma, sikisi milosi, wina umwe, palanga palanga nomu ngwamwene chize!

¹⁴⁶ Kaha jino Ngwa—Ngwapakachile uta wami mulivoko *ngana*, kaha kukwata livoko *eli* helu, mwomwo Ngwapwile somekele ize—ize tambo ha mitondo ngana nakushikumwisa, ji tambo ja shinga nakuze kukazuvo, shikaho ikiye ahashile kuhanjika kuli puwenyi, na kusanyika kuzachisa chize, kufuma ha pili. Kaha Ngwapwilenga na kumukafwa mangana ahase kuyishikumwisa. Kaha Ngwapwilenga namavoko ami helu nge ngana *chize*, kuhanjika, “Ove Kalunga, echa yami ngukwate ize tambo.” Kutambuka, kaha mavoko apwile na tufungunya, nakuze ya, Kangwawashile kukwachililako, kaha Ngwawashikumwishile. Kaha Ngwalumwine uta na nakuuhaka *ngana*; kuhiluka kunyima jitambo yimwe kunyima mangana Ngukunyuke nakuhona kupusana, kahajino mavoko ami helu, kuputuka kutambuka, kutambuka. Kwatokele, pwi, peho kuhuhwa. Mamalelo, Ngwakwachile mutango, Ngwambile ngwami, “Ikiko! Nduma, eyi kayeshi ikikoko.” Mamalelo, nayihana... Kanda nayihana chivumino chakuzeneka kutamoko.

¹⁴⁷ Hanyima chindende, omwo Ngwapwile wakulizanga kwecha, livoko lyami lyavetele ha chumachimwe. Mamaah, yami! Vananguwane, omwo Ngwajimbalile. Ngwakwachililile kuli ize tambo. Ngwambile chize chifwefwe hamavu, kufumisa litepa lyami kumutwe, kaha Ngwemanyine haze. Ngwambile ngwami, “Ove Kalunga, ocho kwivwa kana hakunguwana, nge unajimbala.” Ngwambile ngwami, “Kusongo yaeyi tambo, Kangweshi kufumakoko. Nangukwachilila kuli eyi tambo. Nayiya nakungutwaminyina kwosena hano hamvu chinapu chamwaza kuli yami shina kwala, mwishi yaeyi. Pwevo

lyami na kemba, meso ngengu, vanahono nakutachikiza okwo Nguli, kavatachikijile nomu mwakuwikila kakahya ko, kavatachikijile nomu mwakulingila, kaha jipeho kuhuhwa, kaha mitango kuhozoka nakuholoka kufuma kumitondo.” Ngwapwile nakweseka kufuma kulize tamboko. Ngwachelile kuli ize tambo palanga yingutwaminyine nakutwala kuze kuli kukuwaha chami hano hamavu.

¹⁴⁸ Chize chapwilenga kulilongesa chachikalu, kaha kulilongesa chachinene ha kuwana jila yakulovoka, oloze kayapwile numba chimbwako. Likumbi limwe Ngwajimbalile mu shili. Ngwayile kuliuka na kuliuka, kweseka kuwanako Chumachimwe. Ngwayile ku Seventh-day Adventists, vakiko vangulwekele, “Lama Sambata, echa kulya nyama.” Ngwayile ku liuka lya Mbaputishiti, liuka lya Mbaputishiti lyatete, ikiye ngwenyi, “Katuka kaha nakuvalweka nge ove unafwelela Yesu Kulishitu kupwa Mwana Kalunga, kaha Nanguya nakukujimika, mukiko kaha.” Kakwapwile numba chumako. Oloze likumbi limwe, kuweluka wmalasha chindende, Ngwamikile mavoko ami helu, Ngwakwachile Chumachimwe; mokomoko, echa Nguhanjike, Chumachiwe changukwachile. Yapwile Tambo Yakuyoya, uze Twamina. Kaha Ikiye nangutwaminyinga nakulelo, Kangweshi kaya nakufumisa mavoko ami kuli ize Tamboko. Ngunakwachilila mavoko ami kuli Ikiye. Echa jishimbi jauthu, evi vikungulwilo kulinga kala vyosena vakiko vanatondo, Yami ngunakwachilila kuli uze Twamina. Mwomwo vyosena vize vili hamavu na vyosena vili Mwilu, vyapwa vya mwaza kuli yami, vili kusongo ya eyi Tambo. Ikiye nangunehe yami mukukingiwa nakulelo, Nanguya nakumufwelela Ikiye mujila yami yosena. “Omwo Ikiye uze Shipilitu Wajila mwakeza, Ikiye mwakaya nakumitwaminyina enu na kumitwaminyina muvyuma vyosena . . .”

¹⁴⁹ Masepa, Yinanguhehe aha Nguli yami lelo. Yinangulingisa kupwa omwo Nguli. Ngunahase kujimbula Echi na kuli enu nawa. Ou ikiye kaha Twamina Ngwatachikiza kaha, mwomwo hano hamavu mokomoko na Kuze. Ikiye apwa Twami yami nge Nanguya nakuhanga. Ikiye Twamina yami nge Naguya nakuta ishi. Ikiye Twamina yami nge Nanguhanjika kuli kala muthu. Ikiye Twamina yami nge Nangunangula. Ikiye Twamina yami nge Nangusavala.

¹⁵⁰ Kaha omwo Nanguya nakufwa, Ikiye mwakaya nakwimana ha kalwiji. Ikiye mwakaya nakungutwaminyina yami kuzauka kusali. “Kangweshi kuya nakwivwa woma walupi ko, mwomwo Ove yove uli nayami. Mukombo na ngolo Jove, vikiko naviya nakungwolola yami na kutwaminyina yami kuzauka kalwiji.”

Echenu tulombe.

¹⁵¹ Tata wa Mwilu, Ngunasakwilila chikuma hali ou Twamina, Uze Eji kungutwaminyinanga. Mamalelo, lwola lumwe, Tata,

Kangweshi kumwivwa Ikiye ko kungujinguluka, Ngweji kulizakamina. Ngwatondo Ikiye kupwa hakamwihi nayami mwomwo Ngunahono kutachikiza lwola muka Nangukaya nakuzauka kalwiji. Ngwatondo Ikiye kupwa hakamwihi na yami. Kanda kunguseza yami ko, Mwata. Kangweshi kuhasa kuhanjikako, kangweshi kuhasa kunangulako, Kangweshi kuhasa kuhangako mumusenge, Kangweshi kuhasa kuta ishi muchanoko, Kangweshi kuhasa kwendesa motoka yamiko, kakweshi chuma ngunahase Kulinga chakuzeneka Ove. Ove wapwa Twamina yami. Omu ngunawahilila Yami kuhanjika evi ku chikungulwilo ufuku uno, omu Ove unangutwaminyinengako mu vyuma vyosena, omu Ove unangunehe yami!

¹⁵² Ngwapwanga nakushinganyeka likumbi likwavo; munahichi myaka yayindende hanyima, kwimana haze muze mujila, kaha mwomwo chisaka chami chinalingi mwakuhenga, naumwe pimbi nahase kuhanjika kuli yami. Ngwapwilenga nakutonda kulikata. Kakwapwile naumwe pimbi anguzangile. Vakiko ngwavo, “Ise apwa mukakuteleka nakulanjisa wala.” Kaha, Mwata, kangwamwene naumweko wakuhanjika nayamiko. Kaha Ngwazanga vathu. Oloze likumbi limwe omwo Ngwakwachile kuli ize Tambo! Jino Ngwashingayeka, Mwata, Ngwatela kuseunuka na kuya mu chipapa nakuya nakunoka. Chuma muka echi? Keshi hautuko, keshi ha kutanga ko; Kangweshi nachumako. Oloze apwile Yove, Mwata. Ove, Mwata. Ove unangulingisa ami kwolola hazero, Ove unangulingisa yami kukwata ishi waminene, mwomwo Ove unatachikiza chize ngwatondele kulinga. Ove unanguhane vatata na vamama. Ove unanguhane yami vandumbu vamalunga nava vmapwevo. Ove unanguhane kulikangula. Ove unanguhane pwevo. Ove unanguhane chisaka. Ove unapu Twamina yami, Mwata. Echa ngukwate livoko Lyove, kanda ungwechako. Kachi livoko limwe nalizeya, Nanguya nakwalumuna mavoko. Ngukafweko, Mwata.

¹⁵³ Kaha jino echa umwe hano kukwachilila kwokumwe ku tambo Yachiyoyelo, Mwata, Shipilitu Wajila ou napu Kuyoya, sulo ya Kuyoya. Kaha echa Atutwaminyine kuuwahilila muze Mulifuchi, kuze kuyanda cha chiyoyelo chinahichi na milimo yetu hamavu yinakumu, kaha kuze kakweshi kukapwa cheka ukule, kakweshi vathuko, kakweshi maufuku akuzeya, kulila nakulomba, kakweshi kukapwa cheka kusanyika kukamenga, oloze etu natuya nakupwa vakweze hayamyaka, kukola na ushona kaweshi kukapwako. Kakweshi kukapwa cheka shili, kaha etu natuya nakuyoya mukwoloka cha Kalunga kuhichila muvisemunuino vyosena vize vilinakwiza, kuhita Hayaye yakuzeneka kukuma. Tuhanecho echi, Tata.

¹⁵⁴ Kajino, Tata, kachi muli umwe muno ufuku uno uze kanda akwachilile ku tambo Yakuyoya, echa vakiko vachiwane Echi kupwa chakwoloka jino. Kaha echa Shipilitu Wajila

Uze eji kungutwaminyinanga...Kaha Ngunahase kuhanjika kufuma mumuchima wami, na livoko lyami Lizu Lyove, Ikiye lwola lwosena apwa wakwoloka. Ngwapwa wakuhenga lwola lwosena. Oloze Ikiye wakwoloka. Echa Ikiye atwame na yami, Mwata. Echa yami ngutwame na Ikiye. Kaha echa veka muno, vaze vanazeneka kumutachikiza Ikiye ufuku uno, echa vakiko vakwachilile kuli Eli livoko lya kuzeneka kwalumuka, mangana vakiko vavatwaminyine.

¹⁵⁵ Kaha likumbi limwe etu twapwilenga nakukufuma kulwiji. Kwapwile nakuya nakupwa mbundu chize chimene, nawa. Uze kalungalwiji wamwaka apwile nakuya nakukinduka, uze Yotane wamwaka, vilapo kuhokojoka, kufwa chapwilenga nakwiza nakuchoka chiyoyelo chetu. Oloze, Kalunga, Kangweshi—Kangweshi kulizakaminako. Ngwayiunjishile lyehi lwola lwakunyima chikuma. Ngwatondo kufumisa litepa lyami, nge liswalale, nakwalumuka, kutala kunyima mujila mangana tumone kulihi kuli ize Tambo yinangutwaminyina. Talenu mumusenge waosena Ngunahichi, na kala viveza vya mingonga, kaha kala mulumba wa malolwa va Nangumbulunyaho, oloze kukwachilila ku Tambo. Nge muze Ove wahanjikanga, uze mukakusoneka asonekele, “Vamwe kuhichila mu meya, kaha vamwe kuhichila mulivaji, vamwe kuhichila muveseko vyakukunama, oloze vaosena kuhichila mu Manyinga.” Kaha Ngwatondo kumbata Echi, ize Poko yauvela kuvali hano, ize yeji kungukinganga mujila, kaha nakuyijika Muze munyina ya Chize chindalo, kutambakana, “Tata, tuma kufuma musali chimene chino, Nguli nakwiza kwimbo.” Ove mukaya nakupwa kuze, Mwata. Ove washikile echi. Ove kaweshi kuhasa kuhonako.

¹⁵⁶ Kisula wosena uze ali hano jino. Kaha kachi vakiko vanahono kutachikiza mwakukwachila kuli eyi Tambo, kaha kanda lyehi va Kwateko, echa mavoko akujila akatuke jino, mavoko kutonda, mavoko akufwila, kaha kwata ku tambo ya Kuyoya ize nayivatwaminyina vakiko kukufwila cha michima yavo, kuunda chakukupuka na kusuluka, kunoka muli Kulishitu.

¹⁵⁷ Na mitwe yenu yakunongama, kunahase kupwa mavoko nawahasa kukatuka na kuhanjika, “Echa yami. Kukwata livoko lyami”? Mamalelo, Kalunga amikisule.

Omwo jila ili nakukula muushona, Mwata
wamwaza, pwako hakamwihi,
Omwo chiyoyelo chami chili nge chakumu;
Haze hakalwiji Nanguya nakwimana,
twaminyina vipundo vyami, kwata livoko
lyami,
Kwata livoko lyami, Mwata wamwaza,
ngutwaminyine.

¹⁵⁸ Kuliko mukwavo mwakatula livoko lyyenyi, nakuhanjika, “Mwata, Ngwatondo kwivwa kukwata cha tambo ya Kuyoya ufuku uno. Ngwatondo kwivwa nge Kulishitu nangukonekela jishili jami josena, kaha Ngwatondo kupwa tengeso yayihya kufuma muola ino”? Kalunga akukisule. Kunahase kupwa umwe mwahanjika, “Echa ngukukwate Ove, Mwata. Echa ngulijimbalise amilyavene”? Kalunga akukisule, ndumbu wapwevo. “Echa ngulijimbalise amilyavene, kaha kuwana echi, Mwata, muli Ove.” Kalunga akukisule. Kalunga akukisule. Echi chakwoloka. “Echa yami ngulijimbalisa amilyavene, Mwata. Echa nguvulyameko.” Kalunga akukisule, ndumbu walunga. “Echa yami...” Kalunga akukisule, ndumbu wapwevo. “Echa yami ngujimbalise chinyingi chami chosena.” Kalunga akukisule, ndumbu wapwevo. Kanda kufwelela mazavu vya kutunga kuli vathu. Kavangiza uze Twamina, Ikiye mwaya nakumitwaminyina mu Muchano wosena. “Ngutwaminyine, Mwata Yesu, ngutwaminyine.” Kalunga akukisule ove kunyima okwo. Mamalelo, kuli mavoko amavulu vanazundula, kutonda ulwilo. Jino shimbu etu tuli. . .

¹⁵⁹ Kamenga kuno, enu kamweshi kusanyika vathu kwiza kukamenga, mwomwo vathu vanatwame kwosena. Oloze Ikiye ali vene oho. Munatachikiza chamwaza na chachipi, omwo mwazundulanga mavoko enu, chuma chimwe chasolokanga mukachi ka muchima wove. Yesu ngwenyi, “Wosena mwavwa Mazu Ami na kufwelela hali Ikiye uze Angutumine, ali na Kuyoya chahaya myaka na myaka.” Ove mukiko watwale? Kahajino uze kuli chijiva chakuzala na meya. Kuli nakuya nakupwa lwola lwakulisala lwa kujimika. Echeni tulombe.

¹⁶⁰ Ove Setu wa Mwilu, echi kulovoka cha Mujimbu chinalovoka ufuku uno kuhichila mu lizu lya kushoma, ou Shipilitu Wajila pamo ayanga kumwe. Yayanga kuze Yatelele kuya, kaha kuli vavavulu, Mwata, ufuku uno, amwe mavoko fifiteni mokomoko twende anakatuka, nge anatondo Twamina. Vakiko vanejiva nge vali nakulyonga vavene. Vakiko vali nakweseka kuhanjika “Nguli kanawa,” oloze mukachi kavo kaveshi kanawako. Kaha vakiko vanatondo kukwivwa Ove, Mwata. Vakiko vanatondo Twamina. Vakiko vanatondo kulihana. Ove kanda lyehi upwenga wakuzala. Vakiko vanatondo kulihana hali ou mushipili. Vakiko vanahono kutachikiza mwakuhetela kuze. Naumwe pimbi natachikiza mwakuvatwalila kuze; Ove kaha Ukawove. Vakiko vali nakwiza ku kwala cha Twamina ya Kalunga, ou Shipilitu Wajila. Vakiko vanazundula mavoko avo.

¹⁶¹ Ove Shipilitu Wajila kaha Twamina, twaya suluka hali vakiko. Konekela shili josena. Konekela maupapwoke avo. Vambate mu Mujimba wa Kulishitu ufuku uno, kuze vakiko navevwa kakahya ka Kalunga kuhita muli eyi Tambo Ize nayivatwaminyina mbwe na ku Yotane, kaha nakuzauka Yotane mbwe nakulifuchi lya lushiko. Echa vakiko vakavangize

munyima ya Lizu. Eli Lizu ngwalyo, “Pihililenu nakwalumuka, kahajino vamijimike mu Lijina Iya Yesu Kulishitu.” Kanda vakiko navayeseka mujila yekako. Echa vakiko vakavangize munyima ya Lizu, mwomwo Ikiye napu uze Umwe eji kutwaminyinga. Jikiko—jikiko jitambo jakuyinyina palnga nomu natukakwata kuli uze Twamina. Tuhane echi, Mwata. Echa vakiko vapwenga Vove. Vakiko vali mumavoko Ove jino, nge vyuma vyavilemu, naumwe muthu nahase kuvafumisamo wauchi. Ngwafwelela nge Ove nauya nakuvamba vakiko, nge vathu vakulwila. Ngwafwelela vakiko vakatulanga mavoko avo, vakiko kachi kavahashile kulinga chize vaveneko kuvangila Chumachimwe chinahanjika kuli vakiko. Uze ikiye Yove, Shipilitu Wajila kaha nawa Twamina.

¹⁶² Vakiko vanamono ola yinakusokeka, mbundu ili nakwiza nakufwika hamavu, jishimbi jauthu jainene na—na vyuma vili nakulinunga hamwe, mauka ali nakulinunga, kwiza hamwe. Kaha, Ove Kalunga, omwo vali nakweseka kuhanjika, “Vyosena vili na puho vyatela kusala hano na kuya ku Alaska.” Kaha vyosena evi vili nakuvawisa woma, kavyeshi vyavihyako, ou Twamina wamunene natulwekesa etu eyi jila ya mu Lizu. Etu tuli kaha nakuhita muchihanda Chayo.

¹⁶³ Tata Kalunga, Ove unahanjika kulivakiko ufuku uno, kaha Ngunavahane kuli Ove jino nge vyuma vyavilemu vya Lizu. Mu Lijina Iya Yesu.

¹⁶⁴ Jino, vili aha hakusonekela hano, Tata, anapu malesu, anapu avathu vakakuviza, vamwe vakemba vavandende, pamo, vamwe va mama, vamwe vandumbu vamaapwevo, vamwe vandumbu vamaalunga; na etu jindongo jamumitwe hajikiko. Kaha jino Ngwavikwate hakamwihi nayami. Jino, etu vatulweka mu Mbimbiliya nge vakiko vafumishile kumijimba ya Paulu malesu na mahina, kaha vathu vakakuviza vahindukile, mashipilitu amapi vafumine muli vathu. Jino etu tunatachikiza, Mwata, nge Paulu apwile muthu, ikiye apwilenga muthu kaha. Oloze chapwilenga kuwivisa cha Shipilitu Wajila chize chapwilenga hali vakiko chize chakiswile aze malesu, kaha lufwelelo lwa vathu vapwilenga nalwo lukiko lwavenyikilile nge ikiye apwile kapositolo Kavo. Jino Paulu vanamufumisa muli etu, oloze keshi uze Twamina ko, Ikiye hanga ali hano. Kaha, Kalunga, Ngwalombo nge Ove muya nakukisula awa malesu, kaha echa Twamina avatwaminyine nakuchihela, chize chakulihana mwosena.

¹⁶⁵ Etu vanatulweke cheka nge omwo va Isalele vapwilenga nakukavangiza Twamina yavo, kaha vakiko vejile nakushikumuka ku Yotane, kuze vene (chiku) ku Kalungalwiji Uchila. Mujila ya hamulimo vakiko vavemikile, kaha uze Twamina avatwaminyinyine nakuvashikumwisa kuze. Ika? Kusolola upahu Wenyi. Kaha omwo kutalilila chosena chakumine, kahajino Kalunga atalile kuhichila muze mu Panda

ya Kakahya, kaha nauze kalungalwiji wakufwa wamwaka alizakaminyine kaha akindukile nakukinduluka kunyima, kaha jila yapangikile ya va Isalele kuhita nakuya kulifuchi lya lushiko.

¹⁶⁶ Mwamuchano, Mwata, Ove wapwa hanga uka Lunga youmwe. Ava vathu pamo vali Vakakulishitu, pamo vakiko vali mujila yakwoloka ya ha mulimo, oloze vakiko vanavanehe muchihela kana cha mumbango kuze eyi misongo yinavahake mumbango. Tala kuhichila mu Manyinga a Yesu ufuku uno, mangana liyavolo evwenga woma, ikiye akinduluke kunyima, kaha vana Vove vahite kulushiko lwa kulikangula chamwaza. Tuhane echi, Tata. Ngulinakuwatuma kufuma kumujimba wami kuyavo, mu Lijina lya Yesu Kulishitu.

¹⁶⁷ Ngwazundula echi chikungulwilo kumeso Ove, ha lufwelelo Ngwavambate kuupahu wa kamenga ka Kalunga kutwala Mwilu. Mwomwo kufwila chosena cha misongo, kala chuma chinahenge, kala chuma chinahenge muviyoyelo vyavo, Kalunga, vakose, valingise kupwa Vove. Vahindule, Tata. Kaha echa Ngolo jize jamusangwile Yesu kufuma muchimbumbembe, yoyesa mijimba yavo na kuvalingisa kupwa tengeso yayihya muli Kulishitu. Vahane kulikangula chamwaza na ngolo jakukuzachila Ove.

¹⁶⁸ Ngwanuke, Ove Mwata. Yami ngungamba Yove. Ngukafweko, kwimana mukutondeka cha kulomba. Kaha Ngwalombo nge uze Shipilitu Wajila mwaya nakututwaminyina etu nakutuzachisa, kaha tutwaminyine palanga na kulikumbi etu natukamona Yesu Kulishitu meso na meso ha Kwiza cha upahu Wenyi omwo etu natukaliwana na Ikiye muze mupeho ha Kuhukula. Mu Lijina lya Kulishitu etu twalombo echi. Amena.

Ngwamuzanga Ikiye, Ngwa . . . (Naenu?)
Mwomwo Ikiye chatete anguzangile
Kaha alanjile ulwilo wami
Ha mutondo wa Kavali.

¹⁶⁹ Jino, kachi ove kawazangile umweko uze ove unamono, kaha ove muya ngachilihi nakumuzanga Ikiye Uze ove unazeneka kumona? Jino nge etu twimba *Ngwamu Zanga Ikiye*, echa tuhanenu ava twalihate navo kulimeneka cha zangi.

Ngwamuzanga Ikiye, . . .

Kalunga amikisule . . . ? . . . Kalunga amikisule . . . ? . . .
Kalunga amikisule . . . ? . . . Kalunga amikisule, Ndumbu
walunga Neville . . . ? . . . Huuhuu. Kalunga amikisule . . . ? . . .

Ha mutondo wa Kavali.

Jino echa tuzundulenu mavoko etu kuli Ikiye.

Ngwamuzanga Ikiye, Ngwamuzanga Ikiye
 Mwomwo Ikiye chatete anguzangile ami
 Kaha alanjile ulwilo wami
 Ha mutondo wa Kavali.

¹⁷⁰ Ha kwimba mwaso wamwaza, munatondo enu kwivwa umwe? Ngunavwushisa nge tuli na mukakwambulula mujimbu wamwaza kupwa mukakutwaminyina mwaso muno mu Indianapolis. Ngwafwelela ikiye eji kwimbanga ha Cadle Tabernacle. Echi chakwoloka? Chosena chakwoloka, mwane. Echi chikiko chihela chenya ha Cadle Tabernacle. Vangahi vali nakwanuka E. Howard Cadle? Mamaah, yami! Kalunga anokese mwono wenyi wamwaza. Tuchacha vamupeho, pwevo uze Ngwazangile kwivwa kwimba, kuhambakana kala muthu kanda lyehi kumwivwa kwimba muchiyoyelo chami, apwile Pwevo lya Cadle, kwimba, “Ere ove wasezanga kapete kove chimene chino, ove unashinganyeka kulomba mu Lijina lya Kulishitu Mulwilo wetu, kupwa Lukepwe lelo?”

¹⁷¹ Hazevene kuzauka jila chimene chimwe, muli chize chisakakila cha tupete tuvali, Ngwahindukile, ngwapwile nakuya nakwingila na kuwika kakahya. Lize lijiko lyakahya kakeji kalite kukwata. Kaha Ngwesekele kuputuka, kaha ize peho yejile, nakujima chize kumeso ami. Kaha kwapwile kututa, kaha Ngwapwile vene nakuheta kukulikwata. Kaha chikekeshi vamavu hosena, kaha yami vipundopundo; kweseka kulingisa eli lijiko chikungo kukwata, na kamupila waundende halikiko. Kaha Ngwapwile... Meda na Yami mukulimbata chindende kaha. Kaha Ngwapwile nakweseka, chize chipapa chamwaka chinazovo kaha kacheshi kuwemako, kaha Ngwatwaminenga haze, Ngwashinganyekele, “Mamaah, yami! Nanguya nakweseka cheka.” Ngwatela kuya kumilimo, kaha kufutumwina lize lijiko lyakakahaya kakeji nge *ngana*. Kaha Ngwalovele kukwachisa chisanji, kaha ikiye aputukile kwimba, “Ere ove wasele kapete kove chimene chino, washinganyekanga kulomba,” Ngwaholokele hamavu, “mu Lijina lya Kulishitu Mulwilo wetu, nge Lukepwe lelo?” Mamalelo, omwo Ngwazanga kwivwa uze pwevo!

¹⁷² Omwo Nangukazauka uze kalwiji lwolalumwe, Ngwafwelela nanguya nakwivwa Pwevo lya Cadle natwame kuze. Munatachikiza, Ngunapunga lwolalwosena kulishika. Kusali yaou kalwiji, kuze kuli Mitondo yituta, munatachikiza, Mutondo wa Kuyoya; kaha kuze kusali ikwavo ya kalwiji, kuli kwimba cha Vangelo kwimba musana na ufuku, mwomwo kakweshi ufuku kuzeko, kwimba kaha musana wosena, talenu. Nanguya nakuwana chihela na kutwama na kwivwulila kuli chize. Ngwafwelela nanguya nakwivwulila Pwevo lya Cadle kuze nakwimba.

¹⁷³ Kalunga amikisule ndumbwetu walunga. Ngukwechi lijina lyenyi. Chuma muka? [Uze ndumbu walunga ngwenyi, “Ned

Woolman.”—Muka.] Ndumbu walunga Ned Woolman mwakaya nakukwimbila ove jino. Ndumbu walunga Woolman, kuwahilila kupwa naove ufuku uno. [Ndumbu walunga Woolman kwimba *The Chapel Of My Heart.*]



UZE TWAMINA LVE62-1014E
(A Guide)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chingoloshi, Tundwe mundende 14, 1962, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org